

LENZALO YAKHO IZA THUMBA

ISANGO LESITHA SAYO

 Nginjalo, ngokuvamileyo, ngiphuze ihola kumbe amabili. Umalusi wasukuma, wathi, “Manje, ngifuna ukwazisa kini lonke umuye uMnu. Branham.” Awu, ngilezinto ezinengi zokwenza ngakho ngi—ngiyaphuza nje kanye ngesikhathshana. Kodwa lesi sikhathi bengingelakukwenqabela. Kwakungenxa yomkhathi owakwenzayo lesi isikhathi. Ngingakubeka emkhathini futhi ngiphunyuke. Ngenze okukwedlulisela phambili, Mfowethu Rose, kancinyane nje. Ukusa okuhle, Dade Rose. Futhi ngiyathokoza ukuba lalokhu kusa lapha, uMfowethu Rose loDade Rose, loMfowethu Sharrit, labazalwane abanengi, lina bantu abahle phandle lapho.

² Ngizwa lokho, omunye umuntu uyangitshela, “Lapho lisina ePhoenix, wonke umuntu uhlala nje embhedeni,” inguqukuo enjalo, uyazi. Ezinye zalezi nsuku ngizathola ukudla okungelambhadalo. Bangitshela ukuthi ungaba lokudla kwamahala nsuku zonke ilanga lingakhanyi. Ngizakukhangela lamuhla, ngibenze bakubhadale lokho.

³ Bengikhuluma izolo ebusuku, phandle kwelinye ibandla. Kangilikumbuli sibili ibizo lalo. Futhi-ke saba lesikhathi esimangalisayo, izolo ebusuku, phandle enkonzwensi. Futhi ngale koMfowethu Outlaw, futhi laphezulu eTempe, futhi nje sisiba lesikhathi esihle kulobu ubudlelwano. Futhi ngikhangelele ukuhlangana labo bonke abafowethu abangabatshumayeli emhlanganweni omkhulu, ngakho sizakuba lesikhathi sokukwejisa ngalapho, Mfowethu Rose, futhi sikhulume komunye lomunye. Futhi yikho lokho engikulandileyo, yikuba lobudlelwano. Futhi sasi...sikhangele phezu kohlelo lwethu futhi sithola indawo ezinengi. Kodwa ngicabange ukuthi leli kube lithuba elihle kakhulu, ngoba kumele ngi—ngihlangane labehlukileyo, ukwenelisa ukubabona futhi ngisedlula ngalapho.

⁴ Kwezinye izikhathi ekutshumayeleni, wonke umtshumayeli akazwisiswa, ngenye indlela kumbe okunye. Izikhathi ezinengi, abantu bathatha olunye ulutho olutshoyo futhi nje bangathi baya...Kuyeyamela kancinyane kubo, ngakho bazakukhuluma ngaleylo ndlela. Futhi-ke olandelayo uyakuthola, kuyeyamela kancinyane kakhulu. Into yokuqala uyazi, kuphumile ngempela endleleni.

⁵ Ngakho—ngakho thina, izikhathi ezinengi, ekutshumayeleni, ngingathi ngipahlaza izinhlanganiso

zamasonto lenhlanganiso lezinto. Kwesinye isikhathi, abantu bathi khona-ke, "UMfowethu Branham uphikisana lenhlanganiso." Lokho kayisikho. Kangiphikisani lenhlanganiso. Kodwa kunjalo izikhathi ezinengi ukuthi abantu nje bathembele kuleyo nhlanganiso, uyabona, futhi bebeka amathemba abo phezu kwalokho kulokubeka phezu kukaKhristu.

⁶ Bafuna ukubona ukuthi ngamalunga amangaki abengenelisa ukuwangenisu kuleyo nhlanganiso. Manje, lokho kuhle sibili. Ngi—ngi...Lokho kulungile. Ngicabanga ukuthi yonke inhlanganiso kumele ithole lonke ilunga engalithola. Lokho kuhle sibili. Kodwa lapho ubuya ekuthatheni abangaphendukanga futhi ubeka okunengi kulokho kulalokho okwenzayo phezu kokuqonqosela ngoMoya oNgcwele, njengo Mfowethu Rose ubekhuluma lapha isikhatshana esedluleyo, lezinto, khona-ke uthola—uthola abantu becabanga, "Singena kulokhu, futhi singena *lokho*." Emva kwakho konke, sonke singabaka Nkulunkulu. Bona?

⁷ Manje, nxa ngibone indoda isehla phansi emfuleni esikepeni...Futhi ngihlala ngasemfuleni eIndiana, uMfula uOhio, futhi ngilapho ngasempophoma. Kuyindawo embi kakhulu, lezo mpophoma, ngoba ziyakuphahlaza khona manje. Nxa ungake uhambe kulezo mpophoma, akula sikepe esingahamba kiyo, ngoba kunjalo, phose kungaba ngamatshumi amane kumbe amatshumi amahlanu kusehla kuwela phansi, futhi-ke ukubhubhudla okukhulu kuyabuya ngangaphansi, lokho okutshayelela edwaleni, idwala laphansi lapho. Futhi ngicabanga a—a—amagagasi, amagagasi amhlophe, ayampompoza ngaphansi kwempophoma engamatshumi amanekuya phezulu, bona, lapho atshaya khona phansi, ayaphaphela phezulu njalo. Futhi-ke ahambenje ethululeka njenga lokho, futhi ehlele phansi ekugelezeni okukhulu komjaho okuphosa kube ngamatshumi ayisithupha kumbe amatshumi ayisikhombisa ukutshona. Futhi phakathi lapho ngumsinga osivunguza ngalapho *lindlela*, futhi uwalethe phandle futhi ahambé phansi ngasodongeni. Akula nje enye indlela yokuphepha ngayo, uyabona.

⁸ Indoda yasuka lapha isikhathi esedluleyo igqoke ijazi lokungagaluli. Babona into kuphela lapho esiwa, njengalokho. [UMfowethu Branham utshayanisa umunwe wakhe—Mhl.] Loba lelo jazi lokungagaluli, lokho kugeleza okwesabekayo nje kwamthatha kwamewilisa. Futhi abazange ngitsho bamfumane. Abazange bakwazi okwenzakalayo ngaye. Walenga phezu kwamadwala kumbe emphethweni phansi phakathi lapho, mhlawumbe imayila kumbe amabili ngalapho, njengalokho, futhi kungelandlela yokuphepha.

⁹ Futhi nxa ngibona omunye ehamba esehla phansi emfuleni esikepeni esidala esincinyane, ehlezi lapho ebala, eqhubeka,

futhi ngiqale ukumemezela kuye, "Phuma esikepeni leso. Leso sikepe asisoze senelise ukwedlula kulawo magagasi amanzi." Manje, akusikho ukuthi ngilolutho lokuphikisana laleyondoda, loba kufanele ngimkhalieme futhi ngikhulume kalukhuni kuye. Akusikho ukuthi ngilolutho lokuphikisana lendoda. Ngiyayithanda indoda, kodwa ngiyazi uzakuphahlazeka. Yiso isizatho ngimemezela kuye. Ngoba yena aka... Kungenxa yokuthi ngiyamthanda, yi—yisizatho ngimemeza. Nxa ngingazange ngibe lendaba, bengizakuthi, "Awu, kuhle ususiwe," qhubeka bona, nxa ngangingelandaba laye.

¹⁰ Kodwa isizatho ngikhuluma izinto lezo kungenxa yokuthi ngiyatshiseka ngeBandla. Ngi—ngiyatshiseka ngeBandla likaNkulunkulu. Futhi ngi—ngiyazonda ukuLibona nje lisiba lomqondo wenhlanganiso. Futhi ngiyazi leyo njayelo, yiyo indlela ibandla lonke elihambe ngayo emadwaleni, khona njenga lokho, kusehla ngenjayelo yenhlanganiso.

¹¹ Cabanga nje ngemvuselelo esikhathini samaLutheran, khangela lapho eyaya khona. Futhi masinyane lapho itshaya lokho, ayiphindi ivuke njalo. AmaLutheran awaphindanga aphenduka. Khangelani amaMethodisti kaWesley, awaphindanga aphenduka. Khangelani iPilgrim Holiness, amaNazarene, bonke babo, amaBaptisti, amaPresbyterian. Balemvuselelo, futhi-ke omunye umuntu aphakame ngamandla kaNkulunkulu phezu kwakhe, aqale ingqubo kaMoya. Khona-ke masinyane lapho lindoda isihambile, khona-ke bahlela inhlanganiso kulokho.

¹² Njenge Moody Bible Institute, indawo enhle, kodwa kayisoze ibe njengalokho uMoody ayelakho. Bona? Futhi lezinto uMoody ayezimela, zingamamayila aysisigidi khatshana lakho, ngakho nanko-ke. Futhi manje konke kungokwenhlakanipho, lapho uMoody wayelakho ngokoMoya, liyabona. Futhi-ke u—uyafumana ukuthi, kulezo zinto.

¹³ Manje, lapho ngiqala, futhi ngibuya lapha ePhoenix, iminyaka edluleyo, engqubeni yePhentekhostali, ngaba lethuba ukuqala inhlanganiso ngokwami. Abazalwane beLatter-Rain babuya kimi, bathi, "Lokhu yikho. Kasiqaleni. Ngani, sizakube si—sibakhulu kulabanye bonke."

¹⁴ Ngathi, "Sihawu! Akusikho lokho. Akusiy—akusiy into, bazalwane. U—ungamamayila ayizigidi khatshana lase—lasemgwaqweni. UNkulunkulu akasoze akubusise." Bala imbali yakho. Bala iBhayibhili. Kakusoze kube lenye inhlanganiso ezaphuma kuyo, evela kulokhu. Kunjalo. Lokhu kuzahlela futhi kungene e...Kusesimweni seLawodikeya manje. Kodwa ngizakutshela, mfowethu, akusela nhlanganiso ezibusiswe nguNkulunkulu ezizaphakama. Akusoze kube lento yalokhu. SesiSekubuyenki kweNkosi. Bona? Futhi uNkulunkulu uzathatha insali kuleyi ingqubo kamanyano, eyenzakalayo manje,

okoMlobokazi, kodwa akusoze kube lolutho oluzahlelwa, ngokukamoya, futhi. Bona? Kuphelile.

¹⁵ Lapho ngibona abazalwane bami, abazalwane abaligugu, beyamele leyo ndlela, khona-ke ngiyakuthululela ngakho konke engilakho. Futhi kwezinye izikhathi abazalwane bathi, "Awu, uMfowethu Branham uphikisana lathi. Thina si..." Lokho kubi. Minabo! Leyo—leyo yinto ekhatshana kakhulu lengqondo yami, yikuphikisana lomunye. Ngi—ngingowenu. Ngingumfowenu, bona, futhi ngizama ubungcono bami. Futhi yiso isizatho ngingazange ngijoyine loba yiphi inhlanganiso ethile, ukuze ngime phakathi laphakathi futhi ngithi, "Mfowethu, ungakwenzi. Kayisiyo indlela."

¹⁶ Bathi, "Singabe Assemblies" Lokho kuyamangalisa. IAssemblies of God ibiyisibuso esikhulu kimi. "Siyi Foursquare." Awu, khangela ukuthi babeyisibuso esinjani kimi. "Siyi Jesus Name." Khangela ukuthi bebeysibuso esinjani. "Thina yithi, singabanye." Loba yini, bonke bayizibuso. Banga—bangabantu bakaNkulunkulu. Bona? Futhi abantu bakaNkulunkulu baphakathi kwako konke.

¹⁷ Futhi lapho sifika ekuzihlanganiseni, sisithi, "Singcono nje kancinyane lapha kuleBandla likaNkulunkulu," uyabona, kumbe, "Singcono kancinyane kuleFoursquare kumbe iJesus Name," kumbe enye into enjenga lokho. Lapho nje siyi... Singehlukana kancinyane ngemiqondo. Sonke sihambe ekudleni kwantambama lamuhla, sonke singathatha iphayi ezechlukeneyo, kodwa sidla iphayi nje ngokufanayo, uyabona. Yiwo umqondo. Ngakho umqondo wakho, yikuba, nxaxxa nje singabona ubudlelwano bethu. Ngakho lingayikweyama phezu kwenhlanganiso. Yeyama eKhalvari. Uyafa kwezinye lezi izinto. Bona? Futhi ngiyakholwa . . .

¹⁸ Mangikhulume lokhu lapho kusasengqondweni yami. Ngiyakholwa ukuthi inhlanganiso yenze ingxenyenye enhle. Ngoba, kulezikathathi ezinengi, basalwane, ezimbi njengesingakuzonda ukukucabanga, kubelezinto ezavukayo phakathi kwethu, lezinto ezinjengalezo, ebekuyimfundiso yamanga. Futhi abantu bayathatha nje lezomfundiso zamanga futhi bahlakazele abantu loba ngaphi. Futhi iqembu labazalwane liyahlangana ndawonye eli...lelo engi...Lokho engikutshoyo yikuphuma phandle njengalokho abakwenzayo ensukwini zakuqala lenhlobo zonke vezinto. Futhi—futhi silakho konke khona-ke lamuhla, bona, lokhu nje kuhamba. Futhi abantu abangaziletha ndawonye . . .

¹⁹ Umfanekiso weqiniso wePhentekhosti, ngokubona kwami, lapho kusiza enhlanganisweni, li—libandla, Mfowethu Petrus, ibandla leFiladelfia khonale eSweden. Manje, kabalandaba ukuthi luhlobo bani lwemfundiso olalo, ingqe kuseMbhalweni. Nxa ufuna ukukubona *ngalindlela*, *leyo* ndlela, kumbe loba yini, ingqe kuphela ulobudlelwano futhi uphila impilo ehlanzekileyo

lengcwele. Nanko-ke. Lokho kuhle. Futhi nxaxufuna ukuthi uthi uJesu uyabuya ngebhiza elimhlophe, futhi omunye wathi Uyeza ngeyezi elimhlophe, Mkhangelele ngaleyelo ndlela. Qhubeka nje, ingqe uphila impilo enhle ehlanzekileyo futhi ube lobudlelwano. Yiyo indlela. Yikho lokho.

²⁰ Lokho, awu, manje, yisizatho esisodwa, bangane, ukuthi ngikanye laleliqembu laMadoda osomaBhizimusi. Ngoba, ngiyazi kulezinto ezinengi phakathi lapho okufanele ziqondiswe. Kodwa ngo—ngokuhle esilakho. Yebo. Kunjalo. Yebo. Kulezinto ezinengi okuzafanele ngizitsho. Futhi—futhi lina, abazalwane lapha bazalitshela, angisoze ngibancenge. Ngilapha njengenceku kaNkulunkulu, ukukhuluma iQiniso. Futhi kumele ngiliphendulele. Kunjalo. UMfowethu Rose wathi, “Yikho sikuthanda.” Awu, lokho—lokho, awu, asingeke... Ku—kumele sihlale kanye leLizwi leli. Bona?

²¹ Ngesinye isikhathi esedluleyo, ngiyacabanga, ngabe wawu phakathi... Ngangiphetsheya kolwandle, kumbe khona esihlengeni umnyaka odluleyo, futhi babelo mhlangano, futhi abanye babazalwane babezikhukhumeza kulumhlangano omkhulu lapho ababelamadoda osomabhizimusi, elizweni lonke. Futhi babekhuluma mayelana, “Ngangi lendawo encinyane phansi ekhoneni. Ihbizimisi yami yayingekho kahle. Futhi ngaba lesikhathi esesabekayo. Futhi into yokuqala uyazi, nga—ngabuya ukuzokwamukela uKhristu, futhi—futhi, o, ngilento yonke manje.” Manje, lokho kuhle. Siyakuthakazelela lokho. Lokho kuhle, kodwa ukuphumelela akuhlali kusitsho uKhristu. Lokho, bona, futhi kumele sikukhangele lokho. Manje, lokho kuhle. Bona? Ngi... Akula lutho olumelana lalokho.

²² Kodwa ngalendela abazalwane lobo busuku. Sehla phansi ehoteleni lapho i—iqembu lethu elalihlala khona, loMfowethu Shakarian lathi sonke. Futhi ngathi, “Awu,” ngathi, “bazalwane, ngizalitshela.” Ngathi, “Ngi—ngicabanga lina bazalwane liliqembu elihle labantu engake ngahlangana lalo, empilweni yami. Kodwa,” Ngathi, “into yakho yikuthi,” Ngathi...

²³ Angisuye waloba yiphi inhlanganiso, kodwa ngingowalobo budlelwano lalokho. Ngiyathwala ikhadi lobudlelwano kanye labo, ikhadi kuphela engilithwalayo, ngoba kumela zonke inhlanganiso, uyabona. Futhi yikho lokho engikuthandayo. Yikho lokho engikulwelayo.

²⁴ “Kodwa,” ngathi, “into engikhathazayo, ukuthi lina bazalwane phambi kwalawo madoda phansi lapho, abaphumelele okwedlula okuphindwe ngenkulungwane kulani, futhi—ke uzama ukubatshela ukuthi uKhristu yimpumelelo. Lingazami ngitsho ukubathengiselwa lokho.” Bona?

²⁵ Ungazami ngitsho ukuzifananisa lomhlaba. Yekela umhlaba ubuye endaweni zethu. Lingayi endaweni yabo. Bona? Bona? Suka endaweni yabo, asisoze sicazimule kanye labo. Emva

kwakho konke, iVangeli kalicazimuli; liyakhazimula. I-Hollywood iyacazimula. IVangeli liyakhazimula. Kulomahluko omnengi phakathi kokukhazimula lokucazimula.

²⁶ Futhi-ke, manje, futhi ngathi, “Abazalwane bePhentekhostali basekuqaleni ababelolutho, babezama ukulususa, futhi bondle abayanga, lokunjenga lokho, futhi baphuma bengelalutho, bona, ukutshumayela iVangeli, ukuhambisana.” Ngathi, “Manje sizama ukuzikhukhumeza ngalokho esilakho.” Ngathi, “Kungumehluko bani okuyiwo!”

²⁷ Futhi omunye umfowethu oligugu omncinyane, emva kwesikhatshana esilutshwana waphakama, wathi kimi, wathi, “Mfowethu Branham, lelo kwakungelinye lamaphutha amakhulu abantu abake balenza.”

²⁸ Futhi ngathi, “Manje, khangela, mfowethu, ngangingazami ukuthi ngithi abantu bathengise lokho abalakho. Kodwa ngizama nje ukwenza umcijo kubo osomabhizimusi laba.”

Wathi, “Lelo kwakuliphutha elikhulukazi, abantu.”

²⁹ Ngathi, “Bakwenza lokho ngoMoya oNgcwele. UMoya oNgcwele wabatshela ukuthi benze lokho.” UMoya oNgcwele utshela loba ngubani ukwenza loba yini, wena yenza lokho Akutshela ukuthi ukwenze.

³⁰ Futhi wathi, “Awu, kwakuliphutha eledlulisileyo ibandla elake lalenza.”

³¹ Ngathi, “Ngani, mfowethu?” Futhi khona lapho phambi kwendoda engangikhulumaya layo.

³² Wathi, “Ngoba, masinyane nje ukupopothisana okuncinyane kusiza ebandleni lapho, kwakulomehluko phakathi kwamaGriki lama-lamaHebheru, lokunjalo,” wathi, “abantu labo babengelandawo yokuya kuyo. Babengela ngitsho ikhaya lokubuyela kilo.”

Ngathi, “Yona kanye intando kaNkulunkulu.”

Wathi, “Kungaba njani leyo intando kaNkulunkulu?”

³³ Ngathi, “Bahamba indawo zonke, besabalalisa iVangeli, ngoba babengela ndawo yokuhamba.”

³⁴ UMoya oNgcwele kawenzi maphutha. Awukwenzi. Yikho kuphela. Futhi njengoba bengikhuluma izolo ebusuku, kumele nje ubambe uNkulunkulu, futhi ubambe iLizwi Lakhe, futhi ubambelele khona Kilo. Kungelandaba lalapho elikukhokhelela khona, qhubeka nje uLilandela. Liqhube lihamba njengalokho.

³⁵ Kodwa ngempela ngi—ngingumsekeli walobubudlelwano baMadoda osomaBhizimisi. Futhi wonke umhlangano omkhulu enginxuswa khona, nqihlezi nqihamba futhi ngikhulume, ngikhulume yonke into engingayitsho. Hatshi ukuzama nje ukwenza enye into yokutsho, ezakuthokozisa omunye umuntu, *Usibani-bani*. Kodwa sonke isikhathi lapho ngisiya

emhlanganweni wami, ngiyazama ukutaditsha lokukhuleka lokuzila, futhi ngithi, "Nkosi Jesu, kuyini—kuyini engingakutsho okungasiza labo bantu."

³⁶ Wonke umuntu uyakwazi kangisuye mtshumayeli. Kangisiso sikhulumi. Ngi—ngi... Loba ngubani uyakwazi lokho. Kangisuye mtshumayeli. Umbiko wami—wami yikukhulekela abagulayo, loku njengalokho. Kodwa, kangisuye mtshumayeli. Loba ngubani angabakwazi lokho, ungizwe ngitshumayela. Kodwa lokho engikutshoyo, ngifuna ukubeka isibhakela kulokho okuzakwenza olunye ulutho.

³⁷ Hatshi ukuthi, "Akasiso yini isi—isikhulumi esilamandla? Akasebenzisi yini uhlelo lwamabala akhe kahle? Akamangalisi na kuphuluphithi?" Angikufuni lokho. Be—bengingeke ngikwenze lokho. UNkulunkulu kazange angibizele lokho.

³⁸ Kodwa ngizama ukufumana ulutho oluzasiza lowomuntu, lalelo bandla libe libandla elingcono, ukulisiza libe ngabantu abangcono, ngilikhulekela.

³⁹ Manje, bengingathi ngikhulumma kanje ngoba ngibone abantu abalutshwana belokhu behlangana, futhi khona kusina. Yisizatho bengikhulume izinto lezi. Manje, ikota litshayile.

⁴⁰ Futhi manje ngifuna ukubonga umfowethu. Ngibemazi uMfowethu Fuller okwesikhathi eside, ngihlezi ngimthanda, ngaphansi kwenhliziyo yami. Futhi silezinto ezinengi ezifanayo, Mfowethu Fuller. Futhi—ke thina... Ngabona uMfowethu Fuller manje okweminyaka eminengi, futhi ngimaze ukuba ngumuntu oqotho kaNkulunkulu, futhi ngiyamthanda. Futhi ngilapha lokhu kusa ukuzoba lobudlelwano. Ngilusizi ukuthi ngeqwa yibusuku bakhe lapho kusaziswa endaweni lapha, kodwa kwakuyinto engangingeke ngiyinqabele. Futhi ngiyathokoza ukuba lapha lokhu kusa, ukubona ibandla lakhe, lihle, ukuthi uNkulunkulu ubaphumelelise njani futhi wababusisa. Futhi—futhi yonke into Amenzele yona, ngempela ngiyakuthakazelela lokho. Makuthi uNkulunkulu aqhubeke ukumbusisa, futhi abusise ithabhanekeli leli, futhi—futhi le—lebhodi labaphathi, amadikoni, lawo wonke amalunga ebandla. Futhi malikhule futhi liphumelele emuseni weNkosi, ngumkhuleko wami othobekileyo.

⁴¹ Manje, singakasondeli eLizwini, asizeni kuMlobi, kuqala. Asikhothamiseni amakhanda ethu okwesikhathshana nje ukuze sikhuleke.

⁴² Lapho sihlezi ngesizotha manje eBukhoneni bukaNkulunkulu, lamakhanda ethu lenhliziyo zikhotheme, kungaba lesicelo enhliziyweni yakho, ukuthi enye into oyidingayo, ongafuna iNkosi ikuphe yona, ukuthi ngingakukhumbula emkhulekweni wami lokhu kusa lapha ebandleni? Ungakwazisa nje ngokuphakamisa isandla sakho?

Kugcine nje engqondweni yakho, lokho okuyikho. INkosi iphe ngamunye wenu lonke isicelo senu.

⁴³ Baba Nkulunkulu olomusa longewe, Owadala izinto zonke ngoKhristu Jesu, okwenkazimulo Yakhe, siza ebuKhoneni Bakho lokhu kusa ngokubonga enhliziyweni yethu. Futhi njengoba sitshayele phakathi kwezulu, futhi umoya uyavunguza, izulu liyana, siyakhuleka, Baba oseZulwini, ukuthi Uzakuthululela phezu kwethu izulu laseZulwini, izulu likamoya, izulu lokucina lezulu lakuqala, ndawonye, enhliziyweni zethu lamuhla.

⁴⁴ Siyakhuleka, Baba, ukuthi Uzabusisa leli ibandla. Silokubonga kakhulu ngalo, ngomalusi walo, ngebandla lalo, ngokwe...indawo lapho abantu abahlangana khona lophahla phezu kwekhanda labo lesihlalo esihlaleka kuhle sokuhlala kuso.

⁴⁵ Sibuyela emuva engqondweni yethu embalini yaleliBandla lasekuqaleni, leli elasekuqaleni, lesipostoli, iBandla lekatolika, futhi sibone ukuthi babehlala njani phezu kwezibhebhedu zamadwala kumbe enye into abangayenelisa, ukuzwa iLizwi likaNkulunkulu, futhi-ke baguqe esibuyeni, futhi kuqanda ledwala lenhlabathi, futhi lapho babambe izandla zabo ngaseZulwini futhi bakholise uBukhona bukaMoya oNgcwele. Banike inhloso enjalo empilweni zabo baze bayengena emgodini wezilwane, ngitsho lokwenza ukunyikinyeka, kodwa babobotheke ebusweni babo, bekhangale ngaseZulwini, besazi, ngemizuzu emilutshwane, bazakuba sebuKhoneni Bakhe Lowo abamthandayo.

⁴⁶ O, ukholo lwabobaba bethu, lokhe lusaphila, kungenani lomgodi, ilangabi lenkemba. Vuseleta phakathi kwethu, O Nkosi, ukholo olunjalo. Phana kithi isibusiso esikhulu sobupostoli sikaMoya oNgcwele.

⁴⁷ Munye ngamunye lamuhla ababelezandla zabo ziphakeme, Uyakwazi lokho abakudingayo, Nkosi. Uyakwazi lokho obekungemuva kwaleso sandla, yinjongo bani lenhloso kuleyo nhliziyo. Wena kuphela unganika isidingo sonke, Nkosi. Futhi ngyiyabhulekela, ngingazi isidingo sabo, kodwa ngnikela umkhuleko wami njengesicelo kibo. Njengenceku Yakho, ngyiyakhulekela ngokuqiniseka ilowo lalowo, ukuthi, loba yini abakucelileyo, mabawkwamukele. Babusise, Baba.

⁴⁸ Futhi manje lapho sibala okweLizwi Lakho, futhi sifundisa likilasi yesikolo seSonto, njengalokho okwakuyikho, lokhu kusa, Ngiyakhuleka ukuthi Uzathatha lawaMazwi futhi ukhuphe konke ukungakhola kusuke Kubo, Nkosi; ukuthi, loba waphi amandla kaSathane azazama ukungena ngaphakathi, lokho kuzakuWamisa ekukhuleni, maWahambe enhliziyweni yonke, futhi lapho kube yizihlahla zezithelo zokulunga, Nkosi. Ukholo, lulethe lokho Okumisele iLizwi Lakho ukukwenza, usithi,

“Kalisoze liphenduke Kimi liyize, kodwa Lizafeza lokho elaLimiselwe khona.”

⁴⁹ Manje, Nkosi, ngcwelisa inceku Yakho. ILizwi Lakho selivele langcweliswa. Futhi, ndawonye, masenelise ukondla umhlambi lowo uMoya oNgcwele asinike wona u—ukusifundisa. Siyakucela eBizweni likaJesu. Ameni.

⁵⁰ Manje, kini elithanda ukubala kwezinye izikhathi, malungana lo—loMbiko, ngiza...Ngiyalicela, nxa lingavula eBhukwini. Futhi ngiloMbiko nje omncinyane wesikolo seSonto, sengathi, ebantwini lokhu kusa.

⁵¹ Liyangizwa kahle, yonke indawo, endaweni yonke? Ngiphakamisele phezulu limayikhrofoni. Ngingathi ngitshe ilizwi kancinyane. Ngi, masinya lapho ngifika phansi lapha, ngithole umvimbano. Udeveli wazama ubungcono bakhe ukungivalela katshana lapha. Kangikwazi. Ngiyakhola ukuthi uNkulunkulu uzakuthulula sibili enye into enkulu phezu komhlangano lowu, ngoba uSathane wenze yonke into angayenelisa ukungisusa khatshana lawo.

⁵² Kodwa manje sizakubala kuvela kuGenesi, isahluko 22. Futhi lina elizakuvula eBhayibhilini lenu, kasibalen iingxenyen Yalo, ndawonye. Genesi 22, asiqaleni kundima 9.

Futhi basebefika endaweni uNkulunkulu ayemtshele yona; futhi uAbrahama wasesakha khona i-altare, futhi wabeka kuhle inkuni, esembophile uIsaka indodana yakhe, wambeka ku-altare phezu kwenkuni;

Futhi uAbrahama waseselula isandla sakhe, wathatha ingqamu ukuze ayihlabe indodana yakhe.

Futhi kwasekumemeza kuye ingilosи yeNKOSI isemazulwini futhi yathi, Abrahama, Abrahama: futhi wathi: Khangela ngilapha.

Futhi yasisithi: Ungeluleli isandla sakho emfaneni, ungenzi lutho kuye: ngoba manje Ngiyazi ukuthi wena uyamesaba uNkulunkulu, lokhu ungayigodlanga indodana yakho eyodwa kimi.

Futhi uAbrahama wasephakamisa amehlo akhe, wabona, futhi khangela-ke emuva kwakhe, inqama ibanjiwe esixukwini ngezimpondo zayo, kumbe ngezimpondo zakhe, bengisitsho: futhi uAbrahama wasehamba wayithatha inqama, futhi wayinikela phezu...ibe ngumnikelo wokutshiswa esikhundleni sendodana yakhe.

Futhi uAbrahama wasesitha ibizo laleyondawo wathi uJehova-jire, njengoba kutshiwo lalamuhla, ukuthi Entaben iyeNKOSI kuzanakekelwa.

Futhi ingilosи yeNKOSI yasimemezela kuAbrahama ngokwesibili isemazulwini,

Futhi yathi: NgiZifungile, itsho iNkosi, . . . ngoba njengoba wenzile linto, futhi ungayigodlanga indodana yakho, eyakho eyodwa:

Ukuthi qotho Ngizakubusisa lokukubusisa, Ngiyandise lokuyandisa inzalo yakho njengenkanyezi za . . . mazulu, lanjengetshebetshebe . . . elisekhunjini loluwandle; lenzalo yakho izathumba isango lesitha sayo;

⁵³ Ngifuna ukuthatha leso sitsho lapho okwesihloko: *LeNzalo Yakho IzaThumba ISango Lesitha Sayo.* Leso yi—yisithembiso esimangalisayo.

⁵⁴ Manje, sonke sijwayelane lalindaba, hlawumbe sayibala njalo, njalo, isikhathi ngesikhathi, ekaAbrahama, lokuthi uNkulunkulu wambiza njani phandle kwelizwe lakhe, futhi lokuthi waye ngumuntukazana nje, kungela okukhethekileyo. Kodwa uNkulunkulu wambiza futhi wamenzela isithembiso.

⁵⁵ Manje, ngifuna linanzelele ukuthi lesi isithembiso uNkulunkulu asenzayo kuAbrahama sasingasikho kuAbrahama kuphela, kodwa sasikunzalo yakhe emva kwakhe. Manje, abantu abanengi bathi, “O, aluba nganginjengoAbrahama, aluba ngangilapho uNkulunkulu ayekhulume lami futhi—futhi wangipha isiqiniseko njengalokho Akwenza uAbrahama, khona-ke ngangizakuba, Nga—ngangizakuba lokholo sibili, Mfowethu Branham, aluba nje ngangibe, aluba uNkulunkulu wayekhulume lami njenga lokho Akwenza uAbrahama.” Kodwa ulesithembiso esifanayo leso uAbrahama ayelaso, lokho yikuba, nxa uyiNzalo kaAbrahama.

⁵⁶ Khona-ke uthi, “Kodwa, Mfowethu Branham, ngingoweZizwe. Angingeke ngibe lenzalo kaAbrahama.”

⁵⁷ INzalo kaAbrahama yayingayisiyo inzalo yemvelo. KwakuyiNzalo kamoya, ngoba ukusokwa kwalokho kwakungasi lutho. Isithembiso, Wamupha lokumupha kungakabi lokusokwa. Kodwa saphiwa kuye ngaphambi kokusokwa, futhi kwakungasikho ngoba wayesokiwe futhi esesivumelwaneni loNkulunkulu ngaleyo ndlela. Kungenxa yokuthi uAbrahama wakholwa uNkulunkulu.

⁵⁸ Futhi uMbhalo wathi, ukuthi, “Lapho sesifile kuKhristu, siba yiNzalo kaAbrahama.” UPhawuli ukhulumwa ngakho, “Futhi lokho okungumJuda akusikho mJuda ngaphandle, kodwa umJuda ngaphakathi.” Ngakho-ke, nxa uzelwe ngoMoya kaNkulunkulu, “uyiNzalo kaAbrahama, futhi liyizindlalifa loAbrahama ngokwesithembiso.” Bona? Ngakho-ke sonke isithembiso uNkulunkulu asinika uAbrahama ngesakho, ngoba ngokukamoya uyiNzalo kaAbrahama.

⁵⁹ Futhi ungumJuda ukweddlula ongaba yikho nxa wawuzelwe egazini lesiJuda, futhi-ke—futhi-ke ubengumJuda oqotho kulelobandla, lolandula luMoya oNgcwele oligugu leNkosi uJesu Khristu. Bona? UngumJuda okwedlulisleyo, ngoba ungumJuda

ozelwe ngesithembiso esivela eZulwini, leso uNkulunkulu asinika uAbrahama, loAbrahama wasamukela ngokholo, futhi yikho lokho okwamenza waba yilokho ayeyikho. Phezu kwakho konke, umJuda nje yikwehlukaniswa, lokuchaphela ngaphetsheya, amaHebheru, lokunjengalokho.

⁶⁰ Manje, kodwa lapho usuzehlukanisile ezintweni zomhlaba, wachapha lowo mzila wokwehlukanisa, futhi uysisihambi elizweni labafokazi, ilizwe njengokuthi wawungekho phakathi kwalo, ekuqaleni, kanye labantu owawungakaze uhanganyelane labo ekuqaleni, khona-ke ubususiba ngumJuda kamoya. Ngoba, indlela yinye uAbrahama, ngokholo, wasuka elizweni lakhe, watshiya abantu bakhe, waya elizweni elingaziwayo labantu abangaziwayo, utshiye abantu bakho, watshiya umhlaba ngemuva, watshiya ohlanganyelana labo ngemuva, wachapha, ngeGazi likaJesu Khristu, futhi laba yizihambi, lidinga iDolobho, uMakhi loMenzi walo nguNkulunkulu, njengalokho uAbrahama ayeyikho. Izihambi, kanye Laye, lihlala emathenteni, emabandleni, izakhhamizi zoMbuso weZulu, indlalifa zezinto zonke ngoJesu Khristu. Bona? Sesichaphile, sahlukanisiwe.

⁶¹ Manje, uAbrahama, isithembiso senziwe kuAbrahama leNzalo yakhe emva kwakhe. Manje, uNkulunkulu wanika isithembiso lesi kuAbrahama, seNzalo yakhe, bazathumba isango lesitha sakhe emva kokuba evivinye uAbrahama, wahlola uAbrahama. Manje, emva ukuvivinya sekuzile, khona-ke . . .

⁶² UAbrahama wayesevele esephendukile, singakubiza, kusuka kusihedeni kusiya kuNkulunkulu. Futhi-ke uNkulunkulu wayemnikile, njengesibonakaliso sikaMoya oNgcwele, ukusoka. Khona-ke, emva kokusokwa, khona-ke kwasekusiza isikhathi sokuvivinywa.

⁶³ Umfanekiso omuhle sibili lapha oweBandla, ukuthi, emva kokuba sesisindisiwe, khona-ke siyanikwa uphawu lokusoka okuthenjisiweyo, okungayisikho okwenyama, kodwa okukaMoya. Futhi uMoya oNgcwele yikusokwa kwethu. Kuyingqamu kaNkulunkulu ebukhali. Iyehlukanisa lokusika inyama edlulisileyo, yomhlaba, isuke kithi. ILizwi likaNkulunkulu, libukhali kulenkemba esika nxa zombili! Ngakho, uyabona, kuyabuyela khona ngemuva njalo, iLizwi likaNkulunkulu yiyo into uMoya oNgcwele ayisebenzisayo; hatshi izivumokholo, hatshi inhlanganiso zamasondo. Kodwa iLizwi yilokho okusehlukanisayo ezintweni zomhlaba. Kuyaqumela khatshana imiqondo yethu lezinto, lokusinikelela ngokugcweleyo kuNkulunkulu.

⁶⁴ UJesu wathi, "Nxa lihlala Kimi, leLizwi Lami kini." Nankoke. Khona-ke, akusilo ilizwi lakho. KuliLizwi Lakhe. Ngakho, uyabona, "Nxa lihlala Kimi, leLizwi Lami kini, lingacela

elikufunayo.” Uh-huh. Bona? Lokho eliyikho, kawukhulumi ilizwi lakho uqobo. Ukhulumwa iLizwi Lakhe.

⁶⁵ Ngakho-ke uMoya oNgeweles Nguye othatha iLizwi likaNkulunkulu futhi asehlukanise kulezi izinto zomhlaba, bona, ukusoka, ukuquma. Khona-ke ubusudlula esikhathini sokuvivinywa.

⁶⁶ Manje, uAbrahama, ngemva kokuba esebiziwe, ilizwe lamaKhaladiya, idolobho laseUri, waba yisihambi, umfokazi. Futhi-ke uNkulunkulu wambiza, emva kokuba esefakazelwe ukuthi wayezakuqhube ka futhi athathe uNkulunkulu eLizwini Lakhe. Khona-ke, lokho uNkulunkulu akwenzayo lesosikhathi, kwakuyikumnika isibonakaliso, ukuthi Wayemamukele, futhi Wamsoka. Futhi wasoka uIshimayeli lendlu yakhe yonke.

⁶⁷ Futhi manje uyabona, lapho—lapho ubizelwa phandle, kuqala wedlula ekuvivinyweni, ukubona nxa uzakuqhube ka sibili. Futhi-ke uNkulunkulu ukunika uMoya oNgeweles oyisibonakaliso ukuthi Wamukele ukholo lwakho olutsho ukuba ulalo Kuye. Liyangilandela manje? Yena uzakukwamukela.

⁶⁸ Manje, ngangikhuluma ku...Kungabe kukhona abazalwane abaligugu beBaptisti abahlezi lapha. Futhi wonke umuntu uyakwazi ukuthi ngaphuma ebandleni leBaptisti. Ngangikhuluma lomfowethu weBaptisti. Futhi wathi kimi, “Mfowethu Branham?” Wayengu Dokotela wezeNkolo, indoda elunglelo, umKhristu oqotho. Wathi, “Kodwa, Mfowethu Branham, kungaphi lapho othola khona lolobhaphathizo lukaMoya oNgeweles lusiba ngenye into ehlukeneyo kulokholo kuKhristu Jesu?”

Ngathi, “Kwahlukile, mfowethu oligugu.”

⁶⁹ Wathi, “Awucabangi yini ukuthi lapho usamukela uKhristu, wamukela uMoya oNgeweles?”

⁷⁰ Ngathi, “Kuqondile. Kodwa,” Ngathi, “uyabona, uyazitsho kuphela ukuthi usuwamukele uKhristu, aze Akunanzelele.”

⁷¹ wathi, “Mfowethu Branham, uAbrahama wakholwa uNkulunkulu, futhi kwabalelw ka kuye ukuthi yikulunga.”

⁷² Ngathi, “Yebo. Kodwa uNkulunkulu wamnika isibonakaliso, ukuthi Wayemamukele ukholo lwakhe, lapho Emnika uphawu lokusoka, ukuthi Wayenanzelele ukholo lwakhe.” Ameni.

⁷³ Manje, lapho sisemukela uKhristu njengoMsindisi wethu, khona-ke, nxa siqinisekile kulokho, khona-ke uNkulunkulu usinika isibonakaliso, ukuthi Wemukele ukholo lwethu kuKhristu, ngokusinika uphawu lokusokwa, okunguMoya oNgeweles. Yilo uphawu lokusoka. “LingamdaBukisi uMoya oNgeweles kaNkulunkulu elibekwe uphawu ngaye kuze kubel uSuku lokuhlengwa kwakho.” Hatshi kuze kubel ngumhlangano olandelayo; kodwa kuze kubel kuSuku lokuhlengwa kwakho.

Kunjalo, abaseEfesu 4:30. Manje, yiyo indlela esamukela ngayo uMoya oNgcwele.

⁷⁴ Manje, nxa usithi, “O, ngilikholwa,” futhi uNkulunkulu akaze akunike uMoya oNgcwele lakhathesi, Akakaze akunanzelele khona. Uyavuma nje ukuthi uyakholwa. Kodwa lapho konke ukuthandabuza... Kangitsho ukuthi kawusilo kholwa manje. Ngengxenyel eethile, ulikholwa.

⁷⁵ Kodwa lapho uNkulunkulu esethole isisa, wathola isisa Kuye, bengisitsho, futhi Uyakunanzelela ukubangumntwana Wakhe, futhi Uyayazi inhlizyo yakho, futhi Uyabona ukuqiniseka kwakho, Uyazi izinto zonke seziqunyelwe khatshana lawe. Khona-ke Uyakubeka uphawu embusweni kaNkulunkulu, ngoMoya oNgcwele, efakaza emhlabeni ukuthi Wamukele lolo kholo otsho ukuba ulalo Kuye. Liyakuthola manje na?

⁷⁶ Manje, masinyazana ngemuva kwalokho, kuyabuya isilingo. “Yonke indodana ezayo kuNkulunkulu kumele ilaywe kuqala, ivivinywe.”

⁷⁷ UJesu, masinya lapho Esemukela ukugcwala kukaMoya, emfuleni, lapho uJohane eMbhaphathiza, khonapho udeveli waMusa enkangala, ukudlula esikhathini sokulingwa. Kodwa lapho Ethatha iLizwi likaNkulunkulu futhi wanqoba udeveli, “Kulotshiwe. Kulotshiwe,” Waphenduka lesosikhathi elungiselele inkonzo Yakhe.

⁷⁸ Futhi yiyo indlela uNkulunkulu ayenza uAbrahama. Manje, uNkulunkulu, emva kokumbiza phandle kwelizwe lakhe, futhi wazehlukanisa elizweni lakhe, abantu bakhe, futhi-ke uNkulunkulu wamupha uphawu lokusoka, khona-ke wamupha indodana. Ngakho wehla wahamba phansi kuleso sivivinyo sokucina, khona phansi ngesikhathi kumele anikele indodana yakhe uqobo uIsaka okomhlatshele. Futhi Wathi, “Ngibona ukuthi awuyigodlanga indodana yakho eyodwa, Ngiyazi ukuthi uyaNgithanda.” Wamnika lesosivivinyo.

⁷⁹ Khona-ke masinyane emva kwalokho, impi yanqotshwa-ke, Wathi, “Futhi iNzalo yakho izathumba isango lesitha sayo.” Amen. Ngiyakuthanda lokho. “Izathumba isango lesitha sayo.” Sizangena kulowo mcijo wokucina nje ngemizuzu emilutshwana, iNkosi ithanda. Manje Wathola lokhu, uAbrahama ethembekile. Ngemva kokuba Esethole uAbrahama ethembekile, khona-ke Wamnika isithembiso sokuthumba isango lesitha.

⁸⁰ Manje lapho, izikhathi ezinengi, lapho inengi lethu amaPhentekhostali senze iphutha, futhi sacabanga, “Awu, uMoya oNgcwele uthululwe phezu kwami. Dumo kuNkulunkulu! Yikho kuphela okumele ngibe lakho.” Hatshi, mnumzana. Usaqlala nje. Wena, akukabi yikho-ke. Yikuholwa kwakho lokuvivinywa kwakho.

⁸¹ Njengoba sithola ku—ku, ngale ku—ku—kuThe stamente eliDala; ukuhlola, ukuvivinya, futhi—ke ukubeka indodana. Ukubekwa ubuntwana, ukubeka indodana emva kokuba esevele wabayindodana, esezelwe emulini. Uyindodana, khona—ke uzavivinya futhi ahlolwe, futhi akhuliswe ngabafundisayo, futhi babone ukuthi uphuma njani. Futhi—ke uyabekwa esikhundleni ngokulinganayo, phose, kubaba wakhe.

⁸² Manje yikho lokho okuyikho lamuhla. Sesibe leminyaka engamatshumi amane okuvivinya kwePhentekhosti, kumbe edlulisileyo, bona, bevvivinya ibandla, ukubona loba bazakuma, kumbe hatshi. Ukubona lokho lina...Futhi, bona, nanko lapho engikuthola khona njalo. Kulokubambelela esiphambanweni laseLizwini, lokuqhube ka, siyazifanisa lomhlaba, siwela kulindlela, kumbe siwela kulindlela, kumbe sizifanisa emva kwalokhu.

⁸³ Njengake ngakhulumu kalukhuni ngimelana labantu kulinjayelo yalamuhla, abafazi begela inwele zabo, futhi—futhi amadoda eqhubeka lakho konke, futhi nje begqoka impahla ezingelanhnlonipho lezinto. Ngiyathola ukuchothozwa okukhulu kulokho. Kodwa kuyini? Yikuzama ukusindisa lelo bandla. Yikuzama ukubaletha phezulu *lapha*, eLizwini likaNkulunkulu, kungelani lokuthi omunye umhlaba uzakuthini Ngakho. Hlala leLizwi likaNkulunkulu. Ameni. Bona? Bona?

⁸⁴ Into yakho yikuthi, njengalokho ebengikutsho izolo ebusuku, amaPhentekhosti balindele umoya ovunguzayo olamandla, kodwa behluleka ukuzwa lelo Lizwi elincinyane elinyenyezayo. Bona? Lokho, kubi ukwenza lezo zinto. Bacabanga, “Ingqe kuphela umoya uvunguza, kulungile.”

⁸⁵ Kodwa lokho akuzange kukhange ukulalela komprofethi. Umoya ovunguzayo awuzange ukhathaze umprofethi uElijah ebhalwini. Imidumo elamandla lemibane, lokuthuluka phansi, akuzange kumkhange, konke. Kodwa lokho okwamthintayo kwakuylelo phimbo elincinyane elinyenyezayo, leyonto eyayikhulumu ngaphakathi. “ILizwi Lami liQiniso. Makuthi ilizwi lomuntu wonke libe ngamanga, futhi eLami kube liqiniso.” Yikho okwakhanga umprofethi. Bona?

⁸⁶ Futhi kuzakube kulokhu kukwenza. ILizwi likaNkulunkulu lihlezi likhanga leyongqondo kamoya, ngoba kuyingqondo kaKhristu kuwe, eyazi ukuthi leloLizwi liliqiniso.

⁸⁷ Futhi wedlula esikhathini sokuvivinya. Ibandla lidlula esikhathini sokuvivinya. Umuntu ngamunye udlula esikhathini sokuvivinya lingakathumbi isango lesitha. UAbrahama wedlula kukho. UKhristu wedlula kukho. Emva uKhristu esegcwaliswe nguMoya oNgcwele, lapho emfuleni weJordani, Wadlula esikhathini sokuvivinya. Ngemva kokuba uAbrahama esebiziwe, wabekwa elizweni lakhe lapho ayemele abe yisihambi, khona—ke wanika ukusoka, futhi uNkulunkulu

wahlangana laye, isikhathi ngesikhathi, kukanti wayemele adlule esikhathini sokuvivinywa. Yonke inzalo kaAbrahama iyenza into efanayo, uAbrahama leNzalo yakhe.

⁸⁸ Inhlanganiso, ibandla, yiso isizatho sithola inhlanganiso zethu ziwela phandle kwendlela, kungenxa yokuthi lapho kusiza ekuvivinyweni. Isivivinyo sani? ILizwi likaNkulunkulu. Nanso isivivinyo. ILizwi likaNkulunkulu liyisivivinyo. Sizakwenza lokho ixuku labantu elikutshoyo, kumbe sizakwenza lokho uNkulunkulu athi sikwenze na? Lowo ngumahluko.

⁸⁹ Nanko kusiza, insuku zikaDwight Moody, izinsuku zikaFinney, uSankey, uKnox, uCalvin, uSpurgeon, labo bonke abanye babo, lawo madoda akamoya, izinhlanganiso zabalandela. Balexuku lamadoda ngemuva lapho labo abaqume indlela zabo kikho, munye lamunye ekholwa *lokhu lalokho*, futhi esengeza okuncinyane *lapha*, futhi ephungula okuncinyane *lapha*, futhi engeze okuncinyane *lapha*, kuze kuthi ekucineni benza inhlanganiso ngakho.

⁹⁰ Futhi lapho bekwenza, ikholwa leqiniso, UNkulunkulu ubuya khona ngalapha futhi athathe omunye omncinyane, umuntu ozithobileyo, ephule leyonto ibeyiziqephu. Kuqondile. Uhlezi ekwenza. UNkulunkulu kaguquki. Udabula nje leyonto ibeyiziqephu, abanye abantu abalomqondo kamoya abazahlala lalelo Lizwi.

⁹¹ Mangilitshele. Ngilencwadi ngekhaya, yelinye lamabandla amakhulu, inhlanganiso ezinkulu engqubeni yePhentekhostali. Lowo mfazi ohawulayo owe phuke inhliziyo wangibhalela incwadi. Futhi wathi, “Mfowethu Branham, bengilenwele ezinde lezibotshwe ibhanzi ngemuva kwekhanda lami.” Wathi, “Futhi i... Indoda yami yayikuthanda.” Futhi wathi, “Sasuka edolobheni lapho esasilebandla elalingelikamoya sibili, sisiya lapho lelibandla elikhulu, ibandla lakuqala ledolobho.” Futhi wathi, “Lapho sifika phakathi lapho, bonke odade bamaPhentekhostali babegele inwele zabo.” Futhi bathi, “Bangilanda ngakho. Ngathi, ‘Hatshi, hatshi. Ngiyakhola iBhayibhili liyakutsho kithi ukuthi singakwenzi lokho; yikudumaza ukwenza lokho.’” Futhi-ke wathi nje, “Futhi baqhube...” Babemhleka, bathi, “Yeyi, ivili lakho—lakho seliphela umoya ngemuva, isipeya sakho,’ futhi konke njengalokho. Futhi balanda umkami, ngendlela enjalo, waze wangibamba ngamandla ukugela inwele zami.” Futhi wathi, “Bengthonisiseka, kusukela lapho.”

⁹² Kucabange, ibandla lePentekhostali elimele limele iLizwi likaNkulunkulu! Yikho lapho inhlanganiso yakho ekuhambisa khona. Kulungile. Bayehluleka ukuzwa leloPhimbo elincinyane elinyenyezayo leLizwi, elibabizela eqinisweni. Bonke balalela imimoya elamandla evunguzayo, futhi lokumemeza okunengi lokudansa, besithi balamandla. Lokho

kulungile. Ngiyakholwa kulokho, lami. Kodwa, mfowethu, lapho ungadansa futhi umemeze, futhi-ke utshibilika futhi ulandule iLizwi likaNkulunkulu, futhi uphile njengomhlaba, kulenye into engalunganga kwenye indawo. Kunjalo.

⁹³ UMoya kaNkulunkulu wehla phansi, leloPhimbo elincinyane elinyenyezayo, futhi likuqondise khona kanye eKhalvari, lapho esife khona, futhi impilo yethu ifihlakele kuNkulunkulu ngoKhristu, futhi yabekwa uphawu ngoMoya oNgewe. Khona-ke, leloLizwi kuphela liphila lapho. “Khona-ke nxa lihlala Kimi, leLizwi Lami kini, celani elikufunayo futhi kuzanikezwa kini.” Nanko umahluko.

⁹⁴ Ngithemba angibonakali kini njengodlulisa amalawulo. Nxa nginjalo, a—a—angazi lutho ngakho. Ngi—ngiyakholwa ukuthi iLizwi likaNkulunkulu liQiniso, futhi Kumele lihlale khona lapha. Futhi nxa Lihlala lapha, LizaZitshengisela ngaphandle. Kumele likwenze! Impilo yakho, ukwenziwa kwakho konke, kuzakube kwahlukile.

⁹⁵ Ngakho lapho uNkulunkulu esipha uAbrahama isivivinyo, waphumelela, amaphesenti alikhulu. Futhi wayeza . . .

⁹⁶ UNkulunkulu angeke anike inhlanganiso isivivinyo, ngoba ixubene yonke. UNkulunkulu kasebenzi njalo ngenhlanganiso. Akasebenzi lezizwe osendweni lwabeZizwe. “Wathatha abantu kwabeZizwe.” UIsrayeli, Wathatha isizwe. Kodwa, kwabeZizwe, “Wathatha abantu kwabeZizwe ngenxa yeBizo Lakhe.” Ngakho, uyabona, akusyo inhhlang- . . . Akusyo inhhanganiso. Ngumuntu ngamunye Amthatha kwabeZizwe.

⁹⁷ Futhi lapho isivivinyo sisiza, uyabona lokho okwenzakalayo? Saphuma ekulungisisweni. Semukela ubhaphathizo lukaMoya oNgewe engqubeni yephentekhostali. Kodwa lapho kusiza esikhathini sokuvivinywa, sathola izifundi ezikhaphileyo, zifuna ukuba njengomhlaba, njengalokhu okwakuyikho ngensuku zikaWesley labanye babo bonke. Bayahamba esikolo. Ba—bafunda isayensi. Futhi bafunda zonke ezinye inhlobo vezinto ezihamba kanye lemfundu. Futhi bazama ukufunda okwengqondo. “Into enkulu nje, awu, ungatsho *lokhu*. Mabenze *lokhu* lalokho. Ngoba kuza . . .” Bona, uyabuthanisa lokwakha. Injongo yakho—yakho—yakho imbi. Inhloso yakho imbi. Wakhela inhhanganiso kulokwakhela eKhalvari. Ungakha kanjani eKhalvari, ungangeni ngendlela yeLizwi?

⁹⁸ “Ngoba sigeziswe ngamanzi eLizwi.” “Hlalani Kimi laMazwi Ami kini, khona-ke celani elikufunayo.”

⁹⁹ Yikho lapho esibona ukunqotshwa kwengqubo yePentekhostali, ngoba bayasuka eLizwini. ILizwi lizakukhuluma into eyodwa; bazazama ukwenza leyo nhlanganiso ingene phakathi lapho kweyinye indawo. Futhi bazakuya khatshana laleloLizwi, futhi balingenise khona phakathi lenhlanganiso. Futhi uyabona lapho osekuye khona?

Sekuphose kwaba njengamanye amabandla. Kodwa khonake siyadansa lokumemeza, futhi sakhuluma ngendimi, futhi seqa phezulu-la-phansi, konke kulungile. Inhlanganiso zabo zilungile. Ngithemba ngizicacisile. Kodwa into yikuthi, leloLizwi elincinyane elinyenyezayo likhuluma. Yikho.

¹⁰⁰ Udlula ekuvivinyweni. UNkulunkulu uyakuvivinya njengalokho Akwenza uAbrahama. Uyavivinya iNzalo kaAbrahama, emva kwakhe. Futhi manje, isizatho singathumbi isango lesitha, isizatho kulokunengi phakathi kwethu, kungenxa yokuthi asenelisi ukumela isivivinyo. Futhi mangilitshele enye into, isivivinyo seLizwi siqondile.

¹⁰¹ Isizatho singela futhi singasoze sibelakho... enhlanganisweni. Ngicabanga iPhentekhosti ilenhlanganiso enhle. Abanye bamadoda abalungileyo ngi... balele... abaphile ebusweni bomhlabo, bangabazo—zona inhlanganiso.

¹⁰² I-Assemblies of God, ngilabangane phakathi lapho. Minabo! Umzalwane khona lapho eIndiana, ngizakuya, ngizakuba lomhlangano, ngiyakholwa, khonale, khona manje. UMFowethu Roy Weed, uyindoda yesiqinti sesizwe seIndiana. Ngiyakukholwa lokho ukuba yindoda elobunkulunkulu. Kukanti, uyindoda yesiqinti seAssemblies of God.

¹⁰³ Foursquare, o, minabo, bangaki! URalph McPherson labanengi balabo bafowethu, abangamadoda alobunkulunkulu, kungelalutho empilweni zabo. Bangamadoda alungileyo.

¹⁰⁴ Khonale kuOneness, lokho abazibiza khona, i-Oneness. Kumbe, manje, kangicabangi... Bakubiza ngokuthi ibandla leJesus Name. UJack Moore, ngibiza nje oyedwa phakathi kwe... Kulamakhulu abo, amadoda amahle, amadoda alungileyo, amadoda alobunkulunkulu.

¹⁰⁵ Kodwa into yakho yikuthi, mflowethu, yilokhu, lapho ubambelela kuleyo nhlanganiso. Bona? UNkulunkulu uthatha lezonhlanganiso, futhi—futhi zonke ziwile. Khangela kizo, umhlabu unyenyebla phakathi. Khangela abafazi babo. Khangela amadoda abo. Khangela izimo zabo. Ngingakukhombelela, abantu beAssemblies of God abalamadikhoni kubhodi labo, abathethe kibili kumbe kathathu, abatshumayeli beqhubecka. Abafazi belenwele zabo zigeliwe, begqoka okabhudula, ukuzicomba, futhi belokhu bezitsho ukuba baloMoya oNgcweli, bethembela kubufakazi bokukhuluma ngendimi, kumbe ukweqa phezulu-la-phansi, kumbe ukumemeza.

¹⁰⁶ Bayehluleka leloPhimbo elincinyane elinyenyezayo leLizwi. Lelo Lizwi elikuhalisa ugxile esiphambanweni. Yikho lapho elihlala khona. Yikho singela baprofethi abaqotho ebandleni lamuhla, njengoAgabus.

¹⁰⁷ Yikho, ibandla lamuhla, ba—bahlonipha kanzima ukukhuluma ngendimi lapho omunye umuntu ekhuluma,

ngoba sebezwā okwamanga okunengi futhi lokuqhube, baze bengasazi lokho okuhle lokubi phakathi kwakho.

¹⁰⁸ Ingcazelō eziphongukuba yikukhohlisēka nje, omunye ekhuluma nje olunye ulutho ngoba uzwa ekhokhelwa. Lokho kayisikho kuchasisa. Ukuchasisa; hatshi umuntu esima futhi akhulume ngendimi, omunye uyasukuma ngemizuzu emilutshwana futhi achasise lokho akukhulumileyo. Lapho omunye ekhuluma, omunye uyachasisa khona lapho, ekhuluma ilizwi ngelizwi, ukukhuluma okufanayo, yonke into ngokufanayo. Lindoda ingabe iprofetha, kodwa kayisikho kuchasisa. Abanye babo, loluhlobo lwephimbo lunika enye into, *lokhu* emuva lapha kunika enye into. Futhi abanye bakhuluma amazwi alitshumi, omunye akhulume amazwi angamatshumi amahlanu ngemuva kwakho, okokuchasisa.

¹⁰⁹ *Ukuchasisa* kutsho “ukukhuluma, ibala nge bala.” Nxa kuliLizwi likaNkulunkulu, kufanele libuye, ilizwi ngelizwi; umzila phezu komzila, umzila phezu komzila. Yiyo indlela iLizwi elifanele libuye ngayo.

¹¹⁰ Kodwa kuyini esikubonileyo? Okwamanga okunengi! Futhi bakwenza lokho, ngokusehlelweni, kulokuthi bahlale leLizwi, babeka lokho phansi lapho. Masinya lapho umuntu esenza lokho, bambiza umPhantekhostali. Futhi uyazi kuyini okwenzakalayo.

¹¹¹ Lapho isivivinyo sisiza, isikhathi sokuvivinywa, khonake iNzalo iyaqala, iyatshengisa ukuthi yiphi iNzalo futhi yiphi engayisiyo. Manje, kungelani lalokho okwathathi ndawo, uAbrahama wahlala leLizwi, isithembiso.

¹¹² Kodwa lamuhla inhlanganiso ayikwanisi ukukwenza lokho. Futhi abanye benu bafowethu abaligugu labo abangabalezo nhlanganiso, ungekela ukuvumelana labo kanye, uyakwazi lapho osuhambe khona. Bangaki abenu?

¹¹³ Angitsho, kulesi isakhiwo manje, kodwa bangaki abake baba lapho entiditshela khona, bangaki abake babalamī, uthi, “Mfowethu Branham, siyakwazi ukuthi lelo liQiniso. Kodwa nxa sikhahlelwa phandle lapha, kuyini esizakwenza?”

¹¹⁴ Mfowethu, kuyini esizakwenza? Bambelela eKhalvari, bambelela kusithembiso, bambelela esiphambanweni, kungenani.

¹¹⁵ Futhi khona phakathi lapho, balamanye amadoda alunge kakhulu. Bona? Kodwa lokho engizama ukukwenza, yikuthi, lokho kufanele kwehluleke. Kuhlezi kusehluleka futhi kuzahlala kusehluleka. Kodwa kuyi, loba uyehluleka kumbe hatshi, loNkulunkulu, gcina iLizwi likaNkulunkulu lesithembiso Sakhe, kuqala. Uzakuvivinywa Ngalo.

¹¹⁶ Lizasayina amaphepha, ukuthi lizakwenza *lokhu* kumbe liyenze *lokho*. Loba umelana leLizwi, ulokhe uzakuwasayina. Kunjalo. Enhliziyeni yakho, uyakwazi ukuthi akulunganga.

Yilelo Phimbo elincinyane elinyenyezayo likhuluma, lelo Lizwi. Akumangalisi asenelisi ukuqhubelela phambili, ngoba enye into yenzakele. Uzehlukanisile kulelo Phimbo elincinyane elinyenyezayo. Ugijime waphuma masinyane. UNkulunkulu wayekubiza, kodwa ugijime waphuma masinyane, ngoba imidumo yaduma, imibane yabaneka, intaba yanyikinyeka.

¹¹⁷ Akuzange kunyikinye uElija, lowo mprofethi. Wayefuna lelo Lizwi, kuqala. Wathi, “Ngizahlala khona lapha.”

¹¹⁸ Abanengi lamuhla, baqalisa, inkonzo zokusilisa, ngokwenyama ekufaniseleni, inhlobo zonke zezinto, lamadlabuzane angabonakaliyo laseLizwini likaNkulunkulu. Kunjalo. Kuyini? Kumele sihlabele leyo ngoma, “Labo abalinda eNkosini. Mangithobise ukuzigqaja kwami futhi ngibize eBizweni Lakho. Mangilinde, Nkosi, ngize ngizwe lelo Phimbo elincinyane elinyenyezayo.” Futhi lelo Phimbo lizakuba liPhimbo loMbhalo. Lizakukhuluma khona kanye leLizwi. Ameni. Kulungile.

¹¹⁹ Sithola, uAbrahama emva kokuba esebekiwe, wabizwa, ehlukaniswe kwabathandekayo bakhe, emulini yakhe, ekhaya lakhe, okwesihlobo sakhe, esiya ezweni labezizwe. Ngokukholwa wakwenza lokho. Khona-ke, ngenxa yokuthi wakwenza, uNkulunkulu wamupha ukusoka, ukufakaza ukuthi wayeyindodana kaNkulunkulu, ukuthi wakholwa Kuye ngoba wayekholwa isithembiso. Kukanti, wayengeke, kazange akubone ngokwemvelo, kodwa watsho, “Loba yini ephikisana leLizwi likaNkulunkulu kwakungamanga.” Kungelandaba ubufakazi obunganani obezayo, kulokhu kungamanga.

¹²⁰ Ngiyazonda ukutsho lokhu, kodwa kuzafanele ngikutsho. Khangela. Futhi lapho uthatha abafazi, ngizakutsho okwento eyodwa ebonakalayo, ungabona, labo abazithi baloMoya oNgcwele, futhi bengela nhloniphoe neleyo u—ukutshya inwele zabo zikhula, kulenye into embi kwenye indawo. Umfazi ozaggoka isembatho esihambelana lesendoda, futhi asigqoke, lapho iBhayibhili lisithi, “Kuyisinengiso ku—kuNkulunkulu, ukuba umfazi aggqoke isembatho esihambelana lesendoda.” Futhi-ke uztsho ukuba uloMoya oNgcwele futhi usenza lokho?

¹²¹ Ngakhuluma kulokho ngolunye usuku eOregon. Kwakulomfazi owangibhalela incwadi enkulu. Wathi, “Mfowethu Branham, ulenkonzo emangalisayo, kodwa ngeqiniso uyayona.” Wathi, “Manje, uthini ngo...” Wathi, “Ngiggoka amawovorosi isikhathi sonke.” Wathi, “Uthini ngokuphuma usiya esivandeni ukuyathatha okunye—okunye kwesivande, futhi ugqoke isiqqoko. Awucabangi ukuthi kungakhangeleka ngcono ulamawovorosi ukwedlula okungaba yikho, kumbe amadangari, loba yini okuyikho, kulokuthi ugqoke isiqqoko?” Futhi wathi, “Khangela, ngiyakhwela phezulu ezintabeni labafana lapho besiya kwelusa inkomo,

futhi,” wathi, “Ngiyangena endaweni egcwele iminyane.” Wathi, “Manje, ugqoke i—isigqoko, zingangidla. Ngiggqoke iwovorosi azingikhathazi.”

¹²² Ngathi, “Lokho akujiyanga njengomsobho owenziwe ngethunzi lenkukhu eyabulawa yindlala. Sihawu! Akula ngitsho iLizwi elilodwa likaNkulunkulu ngakho. Lowo ngumbono wakho.”

¹²³ UNkulunkulu wathi, “Ilizwi lonke kalibe ngamanga, futhi eLakhe libe liqiniso.” Umkami ugqoka isigqoko. Uyadobha esivandeni. Akalahlupho ngakho. Futhi, kungenani, umfazi akala msebenzi phakathi kwamadoda phandle lapho, eselusa inkomo, kungenani. Kumele abesemkulwini lapho amele abekhona. Kunjalo.

¹²⁴ Bazama nje ukuthola izaba, kodwa kalikho. ILizwi likaNkulunkulu licacile, lomfazi ozelwe ngoMoya kaNkulunkulu uza... Futhi indoda ezelwe ngoMoya kaNkulunkulu ayisoze ivumele umkayo enze njengalokho. Wathini? “Lowo ogela inwele zakhe, udumaza inhloko yakhe.” Futhi umkakhe yinhloko yakhe. Akahloniphi.

¹²⁵ Kungagcono ngithule. Kulungile. Manje, bona, bona, lokho kwanele. Liyakwazi lokho engikhulumka ngakho.

¹²⁶ Angitsho lokho ngolunya. Nxa ngisitsho lokho ngolunya, uNkulunkulu abe lesihawu enhliziyweni yami elesono; mangehle phansi lapha kuleli altare, ngiphenduke.

¹²⁷ Ngiyakutsho ngenxa yokuthi, bangane, ngiyalithanda. Futhi ngizama ukulitshela lokho okuliqiniso, futhi lelo liLizwi likaNkulunkulu. Kumele sizwe lelo Lizwi elincinyane likaNkulunkulu, ukulinganisana leLizwi. Sidlula esikhathini sokuvivinywa. Haleluya!

¹²⁸ Likunanzelele ukuthi emva kwaleso sikhathi sokuvivinywa sibuya, lokho kufundiswa kwaleyo ndodana eyazalelwu emulini yenhlanganiso yesonto? Nxa wamela ukuvivinywa futhi wahlala lesifiso sikababa, khona-ke lowo mfana wakhutshwa phandle futhi wagqokiswa isembatho, futhi-ke kulomkhosi owenziwayo. Futhi lowo mfana wabekwa-ke emulini kuleyo azalelwu kiyo.

¹²⁹ Yilo uhlupho ngamaPhentekhosti ethu lamuhla. Bayeqa nje lapha lalaphana, lenhlanganiso zethu zingabadonsa ngalindlela laleylo ndlela. Kabahlali leLizwi.

¹³⁰ Nxa ungahlala leLizwi, khona-ke uNkulunkulu, ebona, “Nxa lihlala Kimi, njalo iLizwi Lami kini,” ELakhe, Angeke Alilandule, KuliLizwi Lakhe. Khona-ke kuzakuba lesikhathi, kwesinye isikhathi, lapho ozakhutshelwa phandle futhi ubekwe eceleni, futhi unikezwe enye into eqotho, haleluya, amandla kaNkulunkulu uSomandla.

¹³¹ Lokho, uNkulunkulu ulindele abantwana Bakhe, kodwa kabazi emzileni nje, lapho besiza kuleso sikhathi sokuvivinywa.

Ungakwamukela na? "Awu, ibandla lizangikhuphela phandle." Kulungile. Nanko-ke. Khona-ke, hamba. Leyo kayisiyo Nzalo kaAbrahama. INzalo kaAbrahama kayenzi njengalokho.

¹³² INzalo kaAbrahama! Manje, kangilandaba lokho okwabuya kuphikisana loAbrahama, wahlala kanye lalelo Lizwi lesithembiso, wahlala nje lalo. Kungelandaba ukuthi uSarah wabuya njani, abanye babuya, abehlukeneyo babuya, yonke into, wakubala sengathi kwakungenjalo. Wakhangela, wakholwa ukuthi wayebona isithembiso, ngoba uNkulunkulu wakuthembisa kuye, futhi lokho kwaba yikho konke okwakukhona kikho. KwakuliLizwi likaNkulunkulu, lahlala khona phakathi kwakhe.

¹³³ Khona-ke Wamnika leso sivivinyo sokucina. "Ngizamnika isabelo esiphindwe kabi, futhi ngimvivinye." Manje, usevele wathola indodana. Uyabona ulalokho. "Kodwa manje ngizamtshela, 'Thatha leyo ndodana futhi uyibulale.' Futhi vumela leyo ndodana, lapho ebona... Uzayibulala leyo ndodana na? Ngizamvivinye manje."

¹³⁴ UAbrahama, eqinisekile eLizwini! Kanjani, lapho usamukela isithembiso, uzayimisa kanjani into?

¹³⁵ "Uza—uzakuya kanjani uku—uzakuya kukhangelela kanjani ukuba nguyise wezizwe, futhi nanko ulapha iminyaka elikhulu letshumi lahlanu ubudala manje?" UIsaka omncinyane, phose iminyaka elitshumi lane, elitshumi lanhlanu ubudala. "Uzakuba nguyise wezizwe kanjani lapho uleminyaka elikhulu letshumi lanhlanu ubudala, nangu umntanakho oyedwa, futhi ubulala ubufakazi bakho bodwa lobo olabo?" Ameni.

¹³⁶ "Ngizakwenza njani nxa ngingaphuma enhlanganisweni yami? Ngizakwenza njani nxa ngingenza *lokhu*?" O, lalelani kuleloPhimbo elincinyane elinyenyezayo futhi libuye eLizwini, iLizwi.

¹³⁷ Uthi, "Ngezwa ilizwi lingitshela *lokhu*." Nxa kuphambene leLizwi, kwakungayisilo Phimbo likaNkulunkulu. IPhimbo likaNkulunkulu libuye eLizwini.

¹³⁸ Khona-ke uAbrahama wahamba khona lapho ePhinjweni, futhi elithuleyo, iPhimbo elincane likaNkulunkulu, eLizwini likaNkulunkulu, kumele athathe impilo yendodana yakhe uqobo.

¹³⁹ Wathi, "Misa isandla sakho, Abrahama. Ngiyazi uyaNgithanda manje. Futhi labo bonke emva kwakho, haleluya, bonke labo ababuya emva kwakho, labo abafuna ukuthatha iLizwi Lami, kuzakuba yiNzalo yakho, futhi lapho uzathumba isango lesitha."

¹⁴⁰ Ngifisa ngabe ngilesikhathi ukulitshela enye into eyenzakale insuku ezinlutshwana ezedluleyo, bona, kulokho okwathathi ndawo. O, minabo!

¹⁴¹ “Uzathumba isango lesitha; iNzalo yakho ngemva kwakho. Abrahama, okubusisayo uzabusiswa, lalowo okuqalekisayo uzaqalekiswa.” UJesu wathi, “Kungcono ukuba ilitshe lokuchola lilengiswe entanyeni yakho, lokugalula enzikini yolwandle.”

¹⁴² Futhi inhlanganiso lezi ezilandula lawo madoda alobunkulunkulu, ngoba bamele iQiniso, iLizwi, loMoya lamandla kaNkulunkulu, futhi ukuhlala leLizwi, uyabona lokho okwenzakalayo? Uyagaluliswa olwandle lokukhohlwa.

¹⁴³ “Kungcono ukuthi ilitshe lokuchola lilengiswe entanyeni yakho, futhi ugaluliswe enzikini yolwandle, kulokuthi ukhube omncinyane walaba abaGcotshiweyo.” Bayini? INzalo kaAbrahama ihlala leLizwi lesithembiso.

¹⁴⁴ Amanye amabandla ethu angena endaweni yokuthi bayalandula, bayalandula ukusiliswa kwaPhezulu, abakufuni ebandleni labo futhi. Kunjalo. Inhlanganiso zethu zePhantekhostali azisafuni ukusiliswa kwaPhezulu. Kuyini? Awuboni ukuthi udeveli usebenze njani? Ubuye ngakhona lapho futhi watsho ezinye izinto zamanga ngalapho njengalokho. Futhi amadoda ahlakaniphileyo nje ecabanga ukuthi bangabaka moyo, futhi khangela lokho, futhi uthi, “Khangela *lowayana*. Khangela *lowayana*.” Angikhangeli lokho.

¹⁴⁵ Nxa uyiNzalo kaAbrahama, uzakhangela isithembiso sikaNkulunkulu, lokho uNkulunkulu athe ukwenze ngakho. Yikho lokho. INzalo kaAbrahama, sikhangele isithembiso. Angilandaba ukuthi bangaki abawela *kulindlela* lokuthi bangaki abawela *kuleyana* indlela. Isithembiso sisala siliqiniso.

¹⁴⁶ Kumele udlule phakathi kwezivivinyo lezo. Bona? Yebo. UAbrahama, kuqala wavivinywa, futhi-ke wabekwa uphawu, khona-ke wasenikwa isithembiso sokuthi “iNzalo yakhe izathumba isango lesitha.” Ngiyakuthanda lokho. Khona-ke, bathumbaamasango esitha sabo ngemva kokuvivinywa.

¹⁴⁷ Into yakho yikuthi, asenelisi ukumela ukuvivinywa. Yiso isizatho inhlanganiso zethu azingeke zimele ukuvivinywa. Akusiyo ntando kaNkulunkulu. Kuyi, uNkulunkulu ukubusisile, kodwa akusiyontando kaNkulunkulu. Ngoba, bona, ulexuku lonke labantu lapha kanye lexu lonke lemiqondo, futhi bayabadonsa ndawonye futhi baphume lokuhle abangabenelisa. Abanye babo bathi, “*Leyi* yindoda enkulu. Awungeke ulandule ilizwi layo.” Awu, yindlela efanayo ibandla leKatolika elihlelwa ngayo, into efanayo, phezu kwexuku lamakholwa ahlakaniphileyo. Izihlakaniphi, ziyakhangela kikho, bakulinganise lezikkhathi. Awungeke ukwenze lokho. Enye yonke into ingamanga kodwa iLizwi likaNkulunkulu.

¹⁴⁸ UAbrahama kazange akhangele into eyodwa kodwa isithembiso sikaNkulunkulu. Kungelani lalokho okwakuyikho, wahlala lesithembiso sikaNkulunkulu.

¹⁴⁹ Khona-ke yiso isizatho singatholi okunengi. Inhlanganiso ayingeke ithumbe isango lesitha. Kulengqondo ezinengi ezixubeneoyo phakathi lapho.

¹⁵⁰ Kumele kuthathe umuntu ngamunye, othumba isango lesitha. Ungakwenza nxa ufisa ukukwenza. Yebo, mnumzana.

¹⁵¹ Kasizameni abalutshwane, okwemizuzu emilutshwane, sibone nxa behlala eMbhalweni.

¹⁵² Manje, kwakulesikhathi phansi eBhabhiloni lapho kwakule—lesithombe esasimisiwe, umfanekiso omuhle webandla leKatolika, labo bonke abangazange bakhothamele isithombe leso babezakutshisa esithandweni somlilo. Manje, kwakuyikuqedelana, loba babezakuhlala, lapho uNkulunkulu esithi, “Aliyikuba labanye onkulunkulu ngaphandle Kwami, kumbe lenze loba yisiphi isithombe saloba yini.” Yikho lokho uNkulunkulu akukhulumayo. Ukutshengiselana kwabuya.

¹⁵³ Wonke uIsirayeli wawela khona lapho. Futhi lapho uphondo lukhala, futhi i—futhi ugubhu lwezintambo lwakhala, futhi i—futhi umhlanga wakhala, ngani, bonke bawela phansi phambi kwalesisithombe.

¹⁵⁴ Kodwa kwakulabathathu babo abathi, “Akulanto engenziwa.” Bezwa leloPhimbo elincinyane elinyenyezayo, futhi bahlala emzileni leLizwi. Kuyini abakwenzayo? Bahlala leLizwi.

¹⁵⁵ Futhi emva, ba—ba—bathi, “Nxa lingakwenzi... Sizalipha elinye ithuba, kumbe sizaliphosela esithandweni somlilo.”

¹⁵⁶ Bathi, “UNkulunkulu wethu uyenelisa ukusikhulula kuleso sithando somlilo.” [Indawo engelalutho ethephini—Mhl.] “Kodwa, kungenani, sizahlala leLizwi.”

¹⁵⁷ Manje, mfowethu, wena-ke? “Kuyini engingakwenza, Mfowethu Branham?” Hlala leLizwi. Hlala lesithembiso. “Ibandla lami lizakusuka kimi.” Hlala lesithembiso. Kumele banyamalale, bahambe nje ngolunye usuku, kungenani. Kodwa, uNkulunkulu angeke. Hlala lesithembiso. “Awu, ngiyakutshela, bazangikhahlela phandle.” Hlala lesithembiso, ngokufanayo nje. Wena hlala kanye lesithembiso. Manje, nxa ungahlala lesithembiso futhi uhlale khonapho, uhlale labo-ke.

¹⁵⁸ Dlelana lomuntu wonke. Kodwa manje lapha, manje, awusoze unqobe loba ngayiphi enye indlela kodwa ngaphandle kokudlelana lomuntu wonke. Kumele ukwenze. Manje, lapho besiba babi sibili, kabaziphathi, khona-ke hlala khatshana lakho. Kunjalo. Ungangeni egumeni lesitha. Kodwa ingqe kuphela uzama ukuthola umfowenu, lokho kwahlukile. Bona?

¹⁵⁹ Manje khangela, kodwa awusoze unqobe umbono wenhlanganiso, umuntu oyedwa, hatshi, mnumzana, lapho, balomlayo wabo abawubekileyo, “Sikholwa *lokhu*,” kuphela. Nxa ungabhala imfundiso yakho, “Sikholwa *lokhu*,” ikhefana,

kuzabe kwahlukile. Ungqi utsho, “Sikholwa *lokhu*, futhi kumele ubuye *kulokhu* futhi usayine iphepha leli, kumbe lokho yikho konke.”¹⁶⁰

¹⁶⁰ Kodwa nxa usithi, “Sikholwa *lokhu*,” ikhefana, “lesingakufunda kuNkulunkulu. Sivulekile kuMoya oNgcwele,” khona-ke uyaqhubeke, mfowethu. Yebo. Lokho kuzakuba kwahlukile manje.

¹⁶¹ Kodwa, uyabona, nxa ulakho kubhalwe ngongqi, futhi uNkulunkulu anike enye into okunye kubuye, kufakaze ukuba yiLizwi Lakhe, iQiniso, awungeke unyikinyeke, ngoba ngu “ngqi.” Lokho kuyakuphetha khona. Yikho lapho amaLutheran aka khona. Yikho lapho amaMethodisti aka khona. Yikho lapho amaBaptisti aka khona. Yikho lapho iPresbyterian eyafa khona. Futhi yikho lapho amaPhentekhostali aka khona. Kunjalo. Kunjalo. Bafa khona lapho, khangela nje, ngoba ku—sokuvele kubhaliwe. Akulalutho onga—ongalungezelela kukho kumbe ususe kukho. Ku—kukhona lapho. Leyo yimfundiso yakho.

¹⁶² AmaLutheran ayengelakwamukela ukungcweliswa. Hatshi, mnumzana. Wayesekhulumile ukuthi “Abalungileyo bazaphila ngokholo.” Hatshi uMartin Luther; kodwa leloqembu elamlandelayo. Kunjalo.

¹⁶³ Hatshi uJohn Wesley; kodwa iqembu elamlandelayo. Kunjalo.

Hatshi uCalvin; kodwa iqembu elamlandelayo.

¹⁶⁴ Hatshi uJohn Smith webandla leBaptisti, owakhuleka kanzima, ngesikhathi sebusuku, amehlo akhe aze avaleka ngokuvuvuka, esenzela ibandla lakhe; lomkakhe ukuba amkhokhelele phandle futhi wanfunza lapho ngesipunu, etafuleni. Hatshi yena; kodwa iqembu leli lamaBaptisti elimlandelayo, inhlanganiso eyabuya ngemuva kwakhe.

Hatshi uAlexander Campbell; kodwa labo abamlandelayo.

¹⁶⁵ Hatshi ingqubo yephentekhostali ekuqaliseni, labo ababelezinto ngokufanayo, futhi badlelana lomuntu wonke; kodwa amaqembu abuya njalo athi, “Hatshi. Siyilokhu, futhi siyilokhu. Futhi *lezizindaba*, futhi lokho yilokho!” (“Bezelilukanisa, bekhangeleka bengelaluKholo.”) Kunjalo. Yikho lokho okwakwenzayo. Nanso into embi. Ameni. Ngizwa ngikholwa, lokhu kusa.

¹⁶⁶ Abantwana bamaHebheru, ngemva kokuba sebemele isivivinyo, loba babezahlalela iLizwi lesithembiso, kumbe hatshi, babekwa esivivinyweni. Futhi kuyini abakwenzayo? Bathumba isango lesitha. Ameni. Ngani? Bahlala eLizwini.

Hlala leLizwi, lelo Lizwi likaNkulunkulu elikhuluma kuwe.

¹⁶⁷ Manje, konke ukucabangisisa kwathi, “Manje, khangela. IBhabhiloni, yayingesoze ibe lomehluko. Ngoba, thina, lapho sikhothama phambi kwalumfanekiso, sikhonza uNkulunkulu,

kungenani. Awu, nxa singakwenza *ngalindlela*, sikutsho *ngalindlela*.”

Kwenze ngendlela uNkulunkulu akutshoyo.

¹⁶⁸ Aluba uNkulunkulu wathi, “Mose, khumula izicathulo zakho, Mose. Usemhlabathini ongewele.”

¹⁶⁹ Wathi, “NgiyakuBonga, Nkosi. Ngeqiniso ngiyakhola Kuwe. Ngizakhupha nje ingwane yami, esikhundleni salokho. Kuluhlupho olukhulu ukuthukulula isichathulo sami.” Uh-huh. Huh! Kwakungasoze kusebenze ngitsho.

Wathi, “Isicathulo.” Kazange athi “ingwane.” Kunjalo.

¹⁷⁰ Kumele ubuye, umzila ngomzila, lokho uNkulunkulu akutshoyo, futhi uqondane leLizwi Lakhe.

¹⁷¹ Manje, ngemva kokuba sebelesivivinyo, bathumba isango lesitha somlilo. Bafumana, lapho besiya khona phansi ekucineni, behlala eLizwini likaNkulunkulu, bathumba isango. Kunjalo. Ngemva...

¹⁷² UDaniyeli. Kwakulesimemezelo esaphumayo, futhi sasayinwa ngamaMede-Peresiya, esasingeke siguqulwe, ukuthi, “Uba loba ngubani ekhuleka kuloba nguphi omunye unkulunkulu, makaphoselwe emgodini wezilwane.” Futhi uDaniyeli wayekwazi ukuthi iLizwi likaNkulunkulu laliyikuthi, ukukhuleka Kuye kuphela, ngakho wavula nje amafasitela futhi wakhuleka kungenani. Manje, akazange abuye lekhoneni. Wavula amafasitela ekhangale ethempelini. Wayengela mahloni ngakho.

¹⁷³ Futhi kasifuni ukwenza inkolo yethu ngeSonto, futhi ngoMvulo senze enye into. Kumbe, sikholwe enhliziyweni yethu into eyodwa, ubuye phambi komunye umuntu futhi uthi, “Awu, kangikwazi. Yebo, ngicabanga ukuthi uqondile.” Woba yilokho oyikho. Awusikho, suka kuphuluphithi, phuma ebandleni. Kunjalo. Ngoba, unguilandu kukho kokubili. Hlala uyilokho oyikho. Khulumka lokho okukholwayo, khona-ke kawula lutho lokusuka kilo. Umile nje khona kanye kokuliqiniso. Wonke umuntu uyazi imibala yakho. Amadoda angakuthakazelela, loba ngubani.

¹⁷⁴ Umfazi engaba mubi njengabo bonke bephuma phandle. Engabe emkhulu, ezimukile, emncinyane, ecakile, elenwele ezimnyama, elamehlo ansundu, amehlo aluhlaza okwesibhakabhaka, amehlo ayimpunga; elilodwa, ngenye indlela, lelinye ngeyinye. Kodwa nxa lowo mfazi ehlanzekile, ikhosikazi, kakulandoda elizweni kodwa leyo engamkhuphela ingwane yakhe, ulobudoda obeneleyo phakathi kwakhe. Kuqondile. Ngoba, u—uyaveza lokho ayikho, futhi amadoda ayakuthakazelela.

¹⁷⁵ Ngokunjalo uNkulunkulu uyathakazelela umuntu ozakuba yilokho ayikho khona, kumbe amadoda abatsho isiKhristu.

Masibeni ngamaKhristu, sigewaliswe nguMoya oNgcwele, ngeLizwi likaNkulunkulu, kungenjalo sikhohlwe ngakho. Kulungile. Ngoba, ngaphandle kwalokho, uba ngumzenzisi, futhi uphila impilo eyahlukileyo. Futhi abantu bayakubona ugijimela phandle lapha emidansweni, lokubhema, lezinto ezinjengalezo, futhi uzitsho ukuba ungumKhristu, khona-ke, bona, ubeka ilitshe lesikhubeviso endleleni yabanye.

¹⁷⁶ Bona lina bafazi, kwesinye isikhathi, ukuthi bagela njani inwele zabo leziggoko futhi benze begqoke lezi iziggoko ezindala, bakhangeleka njengesoseji elihlutshiweyo kumbe enye into, futhi besiya phandle ngale esitaladeni, behamba bebhoda, oqwa abangababade *okungaka*, bezitshila besehla phansi esitaladeni. Yiphentekhostali leyo na? Khona-ke e—elinye ibandla lithi, “Batsho ukuba balento abangelayo.”

¹⁷⁷ Ubekwe uphawu futhi wamakwa ngoMoya oNgcwele. Awukho endlini yomdanso lobubusuku lokusingathwa ezingalwени zenye indoda, engayisiyo mkakho; ubusuku obulandelayo, futhi ngaphenduka ebandleni futhi ngidanse yonke indawo. Lokho akusiyo phentekhostali. Lokho yikuzenzisa. Lokho yikungcola.

¹⁷⁸ Kangikutsho kangako kini. Kodwa, liyananzelela, amathephu lawa enziwa lapha ahamba emhlabeni, ngakho ngitshumayela sengathi kusemhlabeni wonke. Lapho ngisizwa uNkulunkulu esithi, “Khuluma ulutho,” Ngilukhulume nje, ngoba kangikwazi ukuthi kuya ngaphi. Lokho kuKuye ukunakekela lokho. Hlala nje leLizwi. Kunjalo. Kulungile.

¹⁷⁹ Hatshi, uDaniyeli wayengakhothameli phansi ekumemezeleni kwabo, loba waphoselwa phandle kwenhlanganiso kumbe hatshi. Wahlala khona efasiteleni, futhi wahlala leLizwi likaNkulunkulu. Wayengelanhloni Ngalo.

¹⁸⁰ Kuyini okwenzakalayo? Bamphosela emgodini wezilwane, kodwa wathumba amasango omgodi wezilwane. Ngani? Dumo! Ngenxa yokuthi uNkulunkulu wathi owakhe... “INzalo yakho izathumba isango lesitha.” Loba yini isitha esiyikho, ulalo isango. O, zingazi izikhathi esinga...?

¹⁸¹ Khangela uMose, elandela emzileni womlayo kaNkulunkulu, esehla phansi esiya eGibhithe, kwakhangeleka sengathi yonke into yayiphambene. Waye labalingiseli ababehamba laye. Wehla phansi lezibonakaliso e—ezithile, ukutshengisa ukuthi wayethunyiwe. Waphosela phansi inyoka, lokunjalo njengalokho.

¹⁸² Futhi lapha kwabuya abalingiseli ngalapho, baphosela okwabo phansi. Wayengenzani? Akula. UNkulunkulu kazange amtshele ukuthi babezakwenza lokho. Wayefuna ukuhlola uMose. Waye nguye Lowo Owavumela uJanisi loJambresi ukuphosela phansi inyoka zabo, kumbe intonga zabo.

¹⁸³ Ngakho lapho kwakumi uMose emzileni womsebenzi. Waphosela phansi intonga yakhe. Yaphenduka yaba yinyoka. Wathi, “Khangela lokho, Faro. Yikho lokho iNkosi yami engitshele ukuthi ngibuye, ngikwenze phambi kwakho.”

¹⁸⁴ UFaro wathi, “Woza lapha, Jambresi loJanisi.” Baphosela intonga zabo phansi. Zaphenduka zaba zinyoka, lokho uMose akwenzayo.

¹⁸⁵ Ubuso bakhe babubomvu na? Hatshi, mnumzana. Waye lokhu ekholwa uNkulunkulu wayemthumile. Wahlala laleso sithembiso. Futhi kuyini okwenzakalayo?

¹⁸⁶ Yikho lapho ungaphambi kweminye yemhlangano yomhlangano omkhulu. Ubuso bakho bungaphenduka bubeboomvu, kancinyane. Hlala leLizwi.

¹⁸⁷ Kuyini okwenzakalayo? Konke khona kanye, leliphiphi elikhulu likaMose labuya futhi laziginya. UNkulunkulu waqinisa. Ngemva kokuvivinywa kwakhe, wathi, “Ngifuna wena, ngalesisibonakaliso, uvumele abantwana basuke bahambe ngale. Ngifuna ukuthi ubabuyisele ngemuva ekhaya, lapho abangabakhona. UNkulunkulu wabuya phansi lapha ukuzokhuluma, ungithumile phansi lapha ukubakhulula. Ngifuna ukuthi babuye.” Wakuphosela lokho phansi lapho.

¹⁸⁸ O, isivivinyo sabuya. Mose, kuyini ozakwenza, tshibilika, uhambe, wathi, “Awu, ngingabe ngiphambanisile”? Hatshi, mnumzana.

UMose wama khonapho, “UNkulunkulu ungithume lokhu.” Dumo!

¹⁸⁹ UNkulunkulu angakhuluma ulutho, hlala Lalo. Kungelandaba lalokho okuthathi ndawo, hlala Lakho. Nxa bekukhupha phandle futhi bathi, “Asisoze sisebenzelane, asisoze senze *lokhu*,” hlala Lakho.

¹⁹⁰ UMose wahlala lakho. Kwenzakalani? Wathumba isango lesitha sakhe. Haleluya. Udeveli wathi, “Ngizakwendlala uLwandle oluFileyo phambi kwenu,” kodwa lwavuleka. Babengeke baqhubeke bebagcinile eGibhithe. Wathumba isango lesitha. Ngani? Ngoba wahlala lomsebenzi awuthunywa nguNkulunkulu. Imilayo kaNkulunkulu, wahlala leLizwi likaNkulunkulu futhi wathumba amasango esitha.

¹⁹¹ UJoshuwa, emva kokuba esedlule esivivinyweni. Wayephansi lapho, mhlawumbe, futhi wabhukutshela phetsheya kweJordani, yena loKhalebh, lezinhloli. Lapho ephenduka evela eJordani, bafika eKhadeshi-Bhaniya. Futhi bonke babo bathi, “O, nxa singaqalisa, lokho kuzakwephula izinhlanganiso zethu zibe yiziqeph. Asingeke nje singene phakathi.”

¹⁹² Lowo moyo awufi. “O, singeke sibe laLokho. Nxa singafundisa Lokho ebantwini bethu, kuyini esizakwenza? Singathatha phose ingxenye yamadikhoni, ebandleni, phandle.

Batshade kibili, kathathu. Kuyini esizakwenza? Thina, ngani, nxa satshela abafazi bethu ukuthi kwakumele babe lenwele ezinde, liyazi lokho abangakwenza? Bangatshiya ibandla. Futhi kuyini esingakwenza? Ngani, singabalwa njengabesidala.” UJesu wayengowesidala, laye. “Asingeke sikwenze lokho. Angeke sikwenze lokho. Kukhulu kakhulu kithi.”

¹⁹³ Liyakwazi ukuthi ikholwa elisemngceleni elingenka kulo. AmaHebheru, isahluko 6, siyachasisa lokho. “Lowo owake wakhanyiselwa, wenziwa umhlanganyeli kaMoya oNgcwele, khona-ke abesesiwa, ukuzivuselela njalo.” Wabuya kulowo mngcele futhi wala ukuchapha, yikho lokho, wala ukukholwa ngokugcweleyo.

¹⁹⁴ Ngoba, kuyini uKhalebhu akwenzayo? Kuyini uJoshua akwenzayo? Wathi, “Siyenelisa ngokwedlulisileyo ukulithatha.” Ngani? Bahlala lalokho uNkulunkulu akuthembisayo.

¹⁹⁵ Ngani, bathi, bona abanye bathi, “Awu, bayiziqhawa. Babiyelwe phakathi ngomduli. Bayi leyindlela. Ngani, sasingeke sibathinte, kuloba ngayiphi indlela.”

¹⁹⁶ UJoshua wathi, “Siyenelisa ngokwedlulisileyo ukukwenza. Thulani, lina bantu! Thulani! Hlalani phansi!” Ameni.

¹⁹⁷ Ngijalitshela, ukholo lusentweni enkulukazi sibili, lapho kusiza eLizwini likaNkulunkulu. Akesabi khona-ke. Ukholo luloboya esifubeni, imisipha emikhulu. Luthi, “Thula!” Into yonke ibalekela ekhoneni, kunjalo, lapho uNkulunkulu ekhulum. “Hlalani Kimi, laMazwi Ami kini, khulumani lokho elikufunayo.” Nanko-ke. O, ngiyakuthanda lokho. Hum!

Odeveli bazathuthumela, lezoni zivuke;
Ukholo kuJehova loba yini kuyanyikinyeka.

¹⁹⁸ Ungaba lokholo kanjani lapho usazi ukuthi awusebenzi, uhamba eLizwini Lakhe, lapho usazi kulezinto lapho ofanele ukuzikhulum. futhi awuzikhulum? kulezinto lapho okufanele ukuzifundise futhi kawuzifundisi. Kulezinto lapho ongeke uzikhulum, futhi ungaba lokholo kanjani lapho usazi ukuthi usempambekweni?

¹⁹⁹ “Nxa inhliziyo yethu ingasicali.” Nanko-ke. Nanko-ke. Kodwa hlala lalelo Lizwi, lapho okungela lutho olulahliweyo. “Akulakulahlwa kulabo abakuKhristu Jesu, abangahambi ngokwenyama kodwa ngokukaMoya.” UMoya ukhokhela ngeLizwi, ngoba uMoya ungaphuma kuphela eLizwini, ngoba iLizwi Lakhe nguMoya. Futhi kuphela Unga . . . UMoya weqiniso kaNkulunkulu ungakhulum kuphela iLizwi likaNkulunkulu. O, minabo! Minabo, minabo!

Hamba khatshana, mhlabo. Sathane, sitshiye.

²⁰⁰ Ungesabi ukuthi kulintaba, “Suswa.” Kukhulum. Hlala khonapho, ikhangelo iwohloka. Kunjalo.

²⁰¹ Kodwa ulokulahlwa lapho, ungaba ngcongo—ngcono uzithulele. Uyawumana nje khona-ke. Kawukhulumi iqiniso. Kawukhulumi izinto okumele uzikhulume. Kulungile.

²⁰² Siyathola ukuthi-ke uJoshua, emva kokuba esedlule kulokho kuvivinywa, wabona ubufakazi belizwe elihle, futhi wama lapho eKadeshi-Bhaniya futhi wakhonona phezu kwabo bonke, futhi wathi, “Siyenelisa ngokwedlulisileyo ukulithatha. Singalithatha.” Wawuyini umqondo? Ukuchaphela phetsheya.

²⁰³ Wawuyini umqondo kaMose? “Tshengisa isibonakaliso lesi futhi ukhuphele abantwana phandle.” Futhi kwakhangeleka sengathi kwehluleka. Kodwa wahlala leLizwi, futhi isango loLwandle oluFileyo lwalungeke lumbambe. Wadlula kilo. Wathumba isango lesitha.

²⁰⁴ UJoshua, ekhangele isithembiso sikaNkulunkulu, wathi, “Siyenelisa ngokwedlulisileyo ukulithatha.” Kunjalo. Futhi lapho esehla phansi ejordani, kuyini akwenzayo? Wavula indlela. Ameni. Yikho. Wathumba isango lesitha. Leyo Jordani yayimenqabela ekuchapheni lokuthatha leso sithembiso. Kodwa lapho efika phansi lapho, wayeyiNzalo kaAbrahama. Ngani? Wakholwa iLizwi likaNkulunkulu. Yiyo indlela kuphela ongaba yiNzalo kaAbrahama, yikukholwa iLizwi likaNkulunkulu. Futhi-ke kuyini akwenzayo lapho esiza phansi lapho ayelesengiselele ukuthatha isitha? UNkulunkulu wavula isango, futhi walithumba, walithatha, wachapha.

²⁰⁵ Lapho impi yokuqala, ukulwa kwakhe kwakuqala abalakho labo, imiduli yayimikhulu kangako babengenza umncintiswano wenqola phezu kwavo. Uzangena njani ukubathola? Bambalekela, babuyela phakathi. Isitha sizakwenza, laso. “Kodwa uzathatha isango lesitha.”

²⁰⁶ Wathi, “Nkosi, kuyini okufanele ngikwenze?” Wahambahamba, ngenye imini, ezindla. Wabona iNdoda imile lenkemba Yakhe ihwatshiwe. UJoshua wadonsa inkemba yakhe, wathi, “Ungowethu na? Ungowesitha sethu na?”

Wathi, “NginguKaputeni walimpi.”

“Ngenzeni?”

²⁰⁷ “Matsha ulibhode, katshumi lantathu. Ukhalse uphondo. Uzathatha isango lesitha.”

²⁰⁸ Wawela phansi. Yebo, mnumzana. Ngani? WayeyiNzalo kaAbrahama, eyagcina iLizwi likaNkulunkulu. Wathatha isango lonke elabuya kuye. Ngeqiniso.

Isikhathi sesiphelile. Kumele ngitshiye.

²⁰⁹ Khangela, wonke amaqhawe lawa aligugu, ngilepheji eligcweleyo abhalwe phansi lapha. Kodwa wonke amaqhawe lawa aligugu, izinto awazenzayo, acina esifa.

²¹⁰ Kodwa-ke kwasekusiza iNzalo uqobo, iNzalo yoBukhosi kaAbrahama, uJesu, isithembiso. UAbrahama wayeloIsaka, sibili, ngokwenyama, kodwa iNzalo uqobo yayingekho kulolohlelo lwenhlanganiso. Kwakuyileso sithembiso seLizwi likaNkulunkulu, ukuthi Uzamenza abe nguyise wezizwe, hatshi ngoIsaka, kodwa ngeNzalo yoBukhosi, uJesu. Leyo kwakuyiNzalo yoBukhosi, leyo, ngempela, iNzalo kaAbrahama, UJesu, wayengasuye umJuda, njalo Wayengasuye oweZizwe. Wayengu Nkulunkulu. Bona? I...

²¹¹ Lina maKatolika lapha, busansi inhliziyo yenu. Kodwa lapho likhonza uMariya njengonkulunkulukazi, luyini uhlupho ngani, kungenani? UMariya wayengasilutho kodwa umfazi. UNkulunkulu wamkhetha. Wayeyisifukamelo. Yikho kuphela. Isifukamelo, yikho lokho umfazi ayikho, kodwa uhlanganyela lenhlanyelo yendoda.

²¹² Kodwa, ngumbuthano oxubeneyo, kodwa kumele ngikukhulume lokhu ukuze lizwisise lokho engikhuluma ngakho. Manje, uyalalela ku-kudokotela wakho, futhi ningumfowenu. Ngeqiniso, ungakwenza.

²¹³ UMariya wayengelampova kuKhristu. Kwakungela muzwa wokwazana kwendoda lomfazi lapho uMoya oNgcwele emebesa, ngitsho lakancinyane. Kodwa uNkulunkulu uSomandla, uMdali, wadala isicucucu sesakhi seGazi lempova. Hum! Nxa kwakuyimpova ivela kuMariya, khona-ke abafileyo abavuki.

Dumo! Lokho nje kubuye kukutsha. Ngikubambile nje lokho.

²¹⁴ Khona-ke nxa usithi akula mehluko, lokho esikwenzayo, khona-ke kungani uNkulunkulu wasitshela ukusuka ezintweni ezimbi? Kungani uNkulunkulu wavusa umzimba kaJesu, nxa kungenjalo? Ngakho, uyabona, kwakungeke kube lomfazi exhumane kukho. Nxa kwakhona, khona-ke Umzimba wakhe wawenziwe ngumama Wakhe, uMariya, ngoba waba lodaba lokwazana kwendoda lomfazi ngokwembeswa ngomoya owambangela uku-ukukhupha ubudoda, futhi akuqondanga. UMoya oNgcwele, ngokukhulelwu okumsulwu, haleluya, lapho Wadala kokubili ubudoda bendoda lomfazi.

²¹⁵ Ngabe uJesu wambiza “mama”? Kufumane eMbhaweni. Wambiza “mfazi.” Haleluya! Mfazi! (Lokho kutsha. Yiso isizatho kukwenza ngendlela okukwenza ngayo.) “Mfazi, khangela indodana yakho.” Izigidi zamamayila duzane laye kulalokho Ayeyikho.

²¹⁶ Waye nguNkulunkulu. Wayengasuye umJuda kumbe oweZizwe. Waye nguNkulunkulu, konke inyama lomzimba, uNkulunkulu ehlala Kuye. UNkulunkulu ehlala ebudodenzi bomfazi? Wayengeke akwenze. Lobo budoda bomfazi

kwakufanele kube lento yokwenza lenyama yethu. Kodwa kwakuliGazi lobudoda, lokho uNkulunkulu akwembesayo.

²¹⁷ Wayengakubeka phezu kwasigodo nxa Wayefuna ukukwenza. Yebo, mnumzana. Wayengakubeka loba ngaphi Ayefuna khona.

²¹⁸ Kodwa Wakuletha ngoba umfazi esekuweni. Lapho kwabuya iNdodana emsulwa kaNkulunkulu ophilayo, edaliwe, ezelwe yintombi, konke umzimba lomphefumulo.

²¹⁹ Kungani uDavida wathi, “Angisoze ngibone oNgcwele Wami...vumela ONgcwele Wami Abone ukubola, ONgcwele Wami abone ukubola. Futhi angisoze Ngitskiye umphefumulo Wakhe esihogweni”? UDavida wakutsho lokho. Bona? Konke umphefumulo, umzimba, lomoya, kwadalwa nguNkulunkulu, Ngaye.

²²⁰ Umfazi wayengayisuye umama, wayengumfazi. Ngiyakhola waYelungle, umfazi ongcwele, ngempela. Wayengakaze abeyisifukamelo, uNkulunkulu wayengasoze akhethe isifukamelo esingcolileyo. INkosi ithanda, ngitshumayela kulokho lobubusuku. Kodwa—kodwa wathi, “Isifukamelo esidala esingcolileyo ukuletha eYakhe—ukuletha iNdodana Yakhe emhlabeni ngayo? Wakhetha intombi, engazi indoda.” Futhi kazange abe lokuphumisa ubudoda, kumbe enye into, lapho uMoya oNgcwele emembesa, ngoba, uNkulunkulu, ekubeni msula Kwakhe, indlela engelamkhawulo, wadala kuye, umphefumulo, umzimba, loMoya kaJesu Khristu. Kunjalo. WayeyiNdodana kaNkulunkulu eyazalwa yintombi.

²²¹ Kwenzani lokho? Kwephula isango lesitha. Haleluya! Whew! Lokhu sekusiba kuhle, kimi. Khangela. Ngani? Wephula isango lesitha khona lapho, ukuthi umuntu wonke ozelwe kulumhlaba ngesifiso sasemacansini, lokho kwakungeke kungene eZulwini ngoba ukwazana kwendoda lomfazi yikho okwakuqalayo ekuqaleni, esivandeni seEdeni, kungani bazimboza. Lapho Ekwenza lokho, Wephula leyonto kibili khona lapho, futhi wathumba isango lesitha. Ngani? Ethatha iNzalo yoBukhosibukaAbrahama, esikhathini sokuqala, futhi wakuphahlazela phansi. INzalo yoBukhosibukaMariya, kodwa kukaNkulunkulu, kwephula amasango. Lokho, kuvumela umuntu edlule esangweni. Dumo kuNkulunkulu!

²²² Kuyini Akwenzayo? Khona-ke wathatha amasango wonke esitha. Wathatha isango lomkhuhlane. Umkhuhlane wawungeke ubekhona eBukhoneni Bakhe. Hatshi, mnumzana. Loba yikuphi okunye okukhona eBukhoneni Bakhe. Udwende lomgcwabo lwalungeke lume ebuKhonenibakhe. Hatshi. Kuyini Akwenzayo?

²²³ UJoshua wafa. UMose wafa. Bonke babo bafa, kodwa hatshi iINzalo yoBukhos. Ukufa kwakungeke kume lapho iMpilo eyayikhona.

²²⁴ Lowomfazi waseNain, ephuma lomfana wakhe. Wama futhi wathi, "Vuka, ndodana."

²²⁵ Leyo nkazana yayifile, indodakazi kaJayirosi, Wakhulum ilizwi ngemuva-le emhlabeni ongaziwayo phandle lapho, futhi wathi, "Ndodakazi, vuka."

²²⁶ ULazaro, efile insuku ezine lomzimba wakhe ubolile, lomphefumulo wakhe ukhatshana lawo, okwensuku ezine. Wathi, "Lazalo, phuma." Dumo!

²²⁷ Nango Elapho. Kuyini Akwenzayo? Wephula impawu zakho konke. Haleluya!

²²⁸ Lapho Efanele afe ngaleso sikhathi, Wayengeke abambe leyo mpilo. Wayengasoze afe, kodwa kwakumele Anikeze leyo mpilo. Futhi lapho Enikeza leyo mpilo, Wafa ukufa. Futhi umphefumulo Wakhe oligugu, njengeBhayibhili latsho, wehlela phansi esihogweni, ukuthatha indawo yami lendawo yakho. INzalo yoBukhos kaAbrahama! Ini? WayeyiINzalo yoBukhos. O, dumo!

²²⁹ Manje siyiINzalo yoBukhos, ini, ehlala leLizwi, khona kanye lokho Ayeyikho. "Ngoba ekuqaleni kwakuliLizwi, futhi iLizwi laliloNkulunkulu; futhi iLizwi, lenziwa laba yinyama, lahlala phakathi kwethu." Awuboni lapho iINzalo yoBukhos elele khona? INzalo yoBukhos yileyo ehlala leLizwi.

²³⁰ Lina elibuthakathaka lina elifisa ukuyekethisa kanye lodeveli, lamafeshini omhlaba. (Kangikhulum kini lapha.) Phandle-le, lina batshumayeli elikwaziyo ukuthi liyatshumayela ukuthi insuku zezimangaliso sezedlula, uyatshumayela ukuthi akulanto enjengobhaphathizo lukaMoya oNgewe, ihlazo kuwe, futhi uzibize iINzalo kaAbrahama.

²³¹ INzalo yoBukhos ihlala leLizwi. INzalo yoBukhos, hatshi ezelwe ngumuntu, akulani lokwenza lendoda kumbe umfazi. Umfazi ulibandla; akula lutho lokwenza lebandla. UMariya wayengelani lokwenza leINzalo. Futhi lebandla, okuthiwa inhlanganiso, alila okokwenza leINzalo. Lizelwe ngani? Hatshi ngenhlanganiso, hatshi iMethodisti, iBaptisti, iPresbyterian, iKatolika, iLutheran, lokunjalo.

²³² Kodwa, ezelwe ngeINzalo yoBukhos yesithembiso sikaNkulunkulu, yiyo ethatha isango lesitha. Selivele lathathwa ngenxa yakhe. "Ngoba uba lihlala Kimi, leLizwi Lami kini, celani elikufunayo, lizakukwenzelwa." Nanko-ke. Yisithembiso. Sokuvele kwensiwa.

²³³ Umphefumulo wakhe oligugu wehlela esihogweni, lapho okwakumele ngihambe khona. Kodwa ngalolosuku lwesithathu... USamsoni ethatha isango ledolobho emhlane

wakhe, wayengelani lokwenza ngakho. Wathatha amasango esihogo, amasango engcwaba, lakho konke okunye. Akazange alithwalele entabenzi, kodwa Walibhidliza. Haleluya! Wathumba isango lesitha.

²³⁴ Imikhathi eyayigcwaliswe ngamandla kadeveli, ngaphezulu, ukuthi iNgilosi kumbe ulutho olwalungehla phansi. Kwakungeke kube lokunxusela, ngoba igazi lembuzi alingeke lisuse isono. Kodwa iGazi Lakhe uqobo lasusa isono.

²³⁵ Futhi Wenyukela Phezulu, wathumba abathunjiweyo. Wapha abantu izipho. Manje, umuntu wonke weNzalo kaAbrahama ofisayo ukubhadala inhlawulo, ukwehla phansi futhi aphenduke izono zabo, babhaphathizwe eBizweni likaJesu Khristu kukho ukuthethelelwa kwezono zakho, agcwaliswe kakutsha ngoMoya oNgcwele, futhi amisane lokuvivinywa.

²³⁶ Futhi lapho behkupha umhlabu kuwe, izinto esezihambile, yonke into embi, yonke into ekhangeleka imbi, njengabafazi lenwele zabo, amadoda lokuqhube ka kwabo, lamabandla lezinhlanganiso zawo, futhi u-futhi umalusi lowo ozakunakekela amadikhoni akhe, la-lazo zonke lezonhlobo zezinto. Ixuku lomhlabu lenye into ingena phakathi lapho futhi libangele umalusi ohawulayo, ukumkhahlelala phandle kwebandla.

²³⁷ Qhubeka, malusi. UNkulunkulu akubusise. Hlala leLizwi. Ungathathi lutho.

²³⁸ Wenyukela Phezulu. Kuyini Akwenzayo? Wasika isikhala, isango, ukuthi, umkhuleko weNzalo kaAbrahama. Ngani? Ngani? Nxa singumzimba kaKhristu, nxa sifile, sizibala sifile futhi singcwatshiwe kuKhristu, futhi savuka Laye ekuvukeni. UyiNhloko yoMzimba. Lapho iNhloko ekhona, uMzimba uLayo. Futhi-ke, lokhu kusa, lapho wonke umuntu owenze lokho, “uhlezi Laye endaweni zasezulwini,” leNzalo yoBukhos. Dumisani uNkulunkulu.

²³⁹ Akula masango. Awungeke ukhuleke kuze kube kude *kangaka*, futhi uthi, “O, o, *kulelizwi*.” Huh-uh. Bayakuvala, khona lapho.

²⁴⁰ Kodwa nxa inhliziyo zethu zingasilahl; nxa sikwazi ukuthi sihamba phakathi kwemilayo kaNkulunkulu; sibona impilo zethu zihlanziwe; siyakubona; lonke iLizwi uNkulunkulu alilayileyo, siyaLigcina; khona-ke amasango esitha sonke athunjiwe. “Khona-ke cela okufunayo, uzakwenzelwa.” “Uzathumba amasango esitha sakhe.” O, mfowethu, libandla bani elingaba yilo!

²⁴¹ Lapho ngiphenduka njalo ePhoenix, nxa iNkosi ingivumela, Ngithemba, lapho ngingena kuleli thabhanekeli, ukuthi lezi izihlalo zizabe zigcwalisiwe, futhi sonke isihlalo kungqubo yeVangeli eligcweleyo kulelidolobho zizakube zigcwele ngabangcwele bakaNkulunkulu ophilayo:

khangeleka njengomKhristu; khuluma njengomKhristu; yenza njengomKhristu; loMoya kaNkulunkulu uhamba phakathi kwabo, lapho, nxa omunye engona, uMoya oNgeweleye uyakubiza khona leso sikhathi.

²⁴² Kuzakwenza. Ukubonile emzileni wokukhulekelwa, njengaphezulu lapha ku-altare. Lapho, uthi, “Buyela emuva lapho futhi ulungisise lokho lendoda yakho. Hamba, utshele umkakho ukuthi ubuphumile, ubusuku bakuthange, lalowomfazi, ohlezi endaweni *ethile-thile*.” Nxa Kungakwenza lapha, ngokuhamba eLizwini, ulalele leloPhimbo elincinyane elinyenyezayo, Kuzakukwenza kuwe. UyiNzalo kaAbrahama. Khona-ke, akula sono.

²⁴³ Mtshumayeli, ngeke uthande ukubona lokho ebandleni lakho? Ngena ebandleni leli, futhi ukhangele phansi ngalapho usedlula *ngalapha*, ubone bonke amadoda labafazi, belobunkulunkulu, abangcwele, behlezi lapho nje bebaselwe ngamandla kaNkulunkulu. Isono sasingeke singene. Indoda iyangena futhi ihlale phansi, uMoya uphakame futhi uthi, “John Jones, uvela kweli *thile-thile*, idolobho, indawo *ethile-thile*. Ulapha ukuthola ukusiliswa emzimbeni wakhe. Bona? Wenza into *ethile* endaweni *ethile*. Wenza *lokhu*, futhi wathatha, kumele abuyisele *lokhu*, alungise *lokhu* khona-ke uNkulunkulu uzamsilisa kuleyo mvukuzane. ITSHO KANJE INKOSI.” Minabo, minabo!

²⁴⁴ Nginika ibandla, nginika amadoda alitshumi, fill-... amagugu aqotho kaNkulunkulu, iNzalo yoBukhos, abeke ndawonye lawo madoda, futhi khangela lokho okuzathathindawo. Nginika leyi encinyane indlu egcwele ngabantu kanjalo, futhi ngizakutshengisa ukuKhanya lokho umhlaba ozagijimela kikho. Kunjalo. Yikho lokho uNkulunkulu afuna sibe yikho. “Ulidolobho elihlezi entaben.” UyiNzalo yoBukhos kaAbrahama. “Izathumba isango lesitha sayo.”

²⁴⁵ Umkhuhlane, kulembangela yomkhuhlane. Kulembangela yezinto lezi. Futhi uNkulunkulu, uMoya oNgeweleye, ulapha ukwambula leyonto futhi akutshele kungani ungakutholi. Luyini uhlupho ngathi? Akudingakali ukuthi simangale, “KuNgakwenza khona?” Vele sokukwenza. Kuyini okwenzayo?

²⁴⁶ Khangela lowomprofethi. Kazange alalele umoya ovunguzayo, “Dumo kuNkulunkulu! Haleluya!”

²⁴⁷ Lokho kuhle. Manje, khumbula, kangikucali lokho. Ngithemba umuntu wonke uyakuzwisissa lokho. Omunye umuntu wathi, “UMfowethu Branham kakholwa ekuthini, ‘Dumo kuNkulunkulu! Haleluya!’” Awu, khangela kimi phezulu lapha manje. Ngiyakholwa ekumemezeni, ukukhuluma ngendimi, ukudansa eMoyeni.

²⁴⁸ Kodwa, mfowethu, lapho usehluleka ukuzwa leloPhimbo elincinyane elinyenyezayo leLizwi, yiyo into ekutholayo. Yiyo into.

²⁴⁹ UElija wayesazi yonke limvuselelo isenzakala phandle. Kodwa waye...Akuzange kumkhange phandle kukho. Kodwa lapho esizwa lelo Phimbo elincinyane elinyenyezayo likaNkulunkulu, khona-ke wakhangwa. Futhi wamboza ubuso bakhe, waphuma. Ngani? UElija wayeyiNzalo kaAbrahama, elandela iLizwi.

²⁵⁰ “Nxa lihlala Kimi laMazwi Ami kini, khona-ke celani elikufunayo, kuzakwenziwa kini.”

Asikhothamiseni amakhanda ethu okwesikhatsana ukuze sikhuleke.

²⁵¹ O, bandla, kanjani, lapho ngisedlula ekutshumayeleni njengalokho, ukuthi ngizwa njani! UMoya uyehla kude lami, futhi ngiyakhangela emuva, Ngibona abantu abangatshona phansi esikhwameni sabo futhi bathathe ukudla ebantwaneni babo, ukunginika khona. Ngibona abafazi abancinyane phakathi lapha, mhlawumbe belenwele ezimfitshane, kuyini abangakwenza? Bangenza loba yini emhlabeni kimi lokho abangakwenelisa. Indoda iphila lomfazi kanjalo, lami nje ngiquma kusiba yiziqephu ngalelo Lizwi, ngilimaza, isazela sakhe sesiwele phansi, kukanti leyo ndoda ingahamba phandle lapha futhi ibeyisigqili, futhi ingithumele okwetshumi kwayo. Kunjalo. Khona-ke kungenza ngizwe ngiyangeke, kubyele enyameni khona-ke, uzwa, “Kuyini—kuyini engikukhulumileyo?” Kangizimiselanga ukulizwisa ubuhlungu, akusikho lokho.

²⁵² Kodwa, o, mfowethu, lodade wami othandekayo omncinyane lomfowethu, nxa lelo bekuliLizwi likaNkulunkulu, futhi lowu kunguMoya Wakhe usenza lelo Lizwi liphile, kini, kuzakuba yini oSukwini lokwaHlulelw? Ngizama ukulenza lilungiselele lolosuku. Ngiyacela, ngiyacela nje thathani iLizwi Lakhe. Nxa ngingatshumayela ulutho olungayisilo iLizwi, isithembiso sikaNkulunkulu, khona-ke ulelungelo lokubuya kimi. Kodwa lelo yiLizwi. Futhi kungenxa yokuthi ngiyalithanda.

²⁵³ Akusikho ngoba a—angilifuni esikepeni. Kungenxa yokuthi isikepe kasiyikulithwala indlela yonke. Uzatshayeleta, olunye lwalezinsuku.

²⁵⁴ Kufanele ubuye ekwaHlulelweni. “Olecal a kokuncinyane ulecal a kwakho konke.” Futhi lapho usazi into eqondileyo ukuyenza, yiLizwi likaNkulunkulu lesithembiso ukukwenza, khona-ke ungakwenzi, khona-ke uthini ngakho? Uzacelwa ukupha isizatho, kuyathiwan-ke? Lapho luMbiko lokhu kusa ukhangelana lawe phetsheya kwesiskrini, ngoSuku lokwaHlulelw? kuyothiwan-ke? Kucabangeni, bangane.

Ungafa usuku lungakedluli. Sonke thina singafa. Futhi into eyodwa eliqiniso, uzakufa.

²⁵⁵ Ngama ngolunye usuku ngikhangele umama wami, mina ngimbambe engalweni yami. Ngabamba ubaba wami kancane ngaphambi kwalokho, futhi ngimkhangele ehamba.

²⁵⁶ Ngibabonile befika ekucineni komgwaqo, ababecabanga ukuthi babeqondile sibili. Bathi, “O, Mfowethu Branham, o, nxa ngingaphila okwesikhathshana eside kancinyane!” Usukuphuzile lapho-ke. Futhi khumbula, ukuva akuguquli umphefumulo, kuntshintsha kuphela indawo yakho yokuhlala. Futhi nxa ubona ukuthi enye into ngaphakathi kwakho, woba ngozwisisayo manje, nxa ubona ukuthi enye into ngaphakathi kwakho ikwenza wenze ngaleyo ndlela futhi uzwe ngaleyo ndlela, njengalokho ongafanelanga ukuzzwe, phenduka lokhu kusa. Ungakwenza na, mngane? Woza. Woba...Kawudingi ukuba njalo. Ungumuntu olusizi. Phila iNzalo yoBukhosи yeqiniso. UNkulunkulu ukufuna lamuhla.

²⁵⁷ Ungaphakamisa isandla sakho, lapho ikhanda lakho likhotheme, lenhliziyi. Wothi, “Mfowethu Branham, ngiphakamisa isandla sami kuNkulunkulu. Ngeqiniso, enhliziyweni yami, yikho lokho engifuna ukuba yikho. Yikho sibili lokho engifuna ukuba yikho. Ngi—ngitshaphazekile phandle lapha layo yonke into, kodwa ngempela ka—kangifuni ukuba njengalokho. Ngifuna ukuba yilokho obukhuluma ngakho lokhu kusa. Ngikhulekele, Mfowethu Branham. Ngiphakamisa izandla zami kuNkulunkulu, hatshi kuwe, Mfowethu Branham, kodwa kuNkulunkulu. Futhi enhliziyweni yami, Uyayazi inhliziyi yami, Ngilangazelela ukuba luhlobo lomKhristu okhuluma ngalo, iNzalo yoBukhosи kaAbrahama, ngoJesu Khristu.” Phakamisa isandla sakho manje futhi uthi, “Ngiza...Ngikhulekele, Mfowethu Branham.” UNkulunkulu akubusise. UNkulunkulu akubusise. Ngeqiniso Uzakwenzela khona.

²⁵⁸ Baba wethu oseZulwini, ekuKhanyeni kweLizwi Lakho, emandleni okuvuka Kwakho! Futhi ngiyananzelela, Nkosi, ukuthi abantu abahawulayo izikhathi ezinengi bayaphiceka phandle lapha, ngokwahlukana... Abantu abakwazi ukuthi benzeni; omunye esiza, ekhuluma enye into; futhi omunye esiza, ekhuluma okunye.

²⁵⁹ Futhi lapha ePhoenix, lelidolobho elikhulu le—le, awu, lezivakatshi, lapho yonke into evela phandle kwelizwe ingena kilo, konke ngokwenyama lokukamoya. Ngimile entaben, ngolunye usuku, futhi ngicabanga ukuthi kukangaki iBizo likaNkulunkulu lisetshenziswa ngeze ngosuku phansi lapha, bungaki ubufebe obenziwayo, isono esinganani lengcekeza esitaladeni lapha, lamabhawa labahlala besemabhawa,

lakho konke, abanengi babo bezitsho ukuba ngamakholwa, amaKhristu!

²⁶⁰ Abafazi besehla phansi esitaladeni, belomhlanga wegwayi esandleni sabo. Behamba begqoke impahla ezingela kuziphatha, lapho Wathi kuyanuka phambi Kwakho, "Kuyisinengiso," njengendala, engcolileyo, engcolileyo, enukayo indawo yokuthambisela kwenye indawo. O Nkulunkulu, engatsho kanjani umfazi ozitsho ukuba loMoya oNgcwele enze into enjalo, futhi esazi ukuthi emakhaleni oMsindisi, lokho kunuka njengalokho, ukunuka? Angaba kanjani lento enjalo eMbusweni Wakhe? Baba, aluba bebesazi kuphela, bangamamayila ayizigidi kude lakho.

²⁶¹ Ngiyakhuleka, Nkulunkulu, woba lesihawu. Akula ofuna ukuya kuleyo ndawo yabalahlekileyo. Akula ofuna ukuya phansi lapho, Baba. Akube kude lomunye wethu ukuhamba. Kukanti phansi phakathi lapho kuyinhliziyo enhle kulowo muntu, leyondoda lowomfazi, indoda kumbe umfazi ophilisana kuhle labanye futhi emuhle futhi elomusa, futhi nje ekhohlisiwe ngudeveli. Udeveli wenze lokho.

²⁶² Sathane, ngimelana lawe, ngoba uyisitha seNkosi yami. Uyisitha seLizwi Lakhe. Futhi ngiyakulaya wena, ngoJesu Khristu, iNDodana kaNkulunkulu, njengomuntu ofayo, ngisazi ukuthi angilamandla phakathi kwami. Kangila mandla okukumisa. Angilamandla okwenza loba wuphi wabafazi laba bazihlanze, loba wuphi wamadoda lawa, abalalele kulithephu, kumbe—kumbe loba ngaphi. Angila ndlela yokubenza bahlanzeke. Angila mandla. Kodwa ngilegunya leLizwi likaNkulunkulu, njengenceku, ukuLitshumayela, futhi ngibotshelwe kulelogunya. Lephola leli phandle lapha alilamandla okumisa imota, kodwa ulegunya lokukwenza.

²⁶³ Futhi, Sathane, ungahle uqobotshe iziqobotsho zakho, ngoba ngiyakulaya, ngoJesu Khristu, ukuthi ukhulule abantu laba, kuwo wonke umhlaba, loba ngaphi luMbiko ongaya khona. Bakhulule. Ngiyababiza, ukuthi bathengiwe. Kabasengababo. Bathengwe ngenhlawulo, bayiNzalo yoBukhosu kaAbrahama, iNkosi uJesu.

²⁶⁴ Wena ongcolile, ungcilile, umzenzisi onukayo, umkhohlisi wabantu, ubakhokhelela bephumputhekile emigelwemi yesihogo, bakhulule. Ngiyakulaya, ngoNkulunkulu ophilayo, ngoMhlatshele weNdodana Yakhe, uJesu, ukuthi ubakhulule, ukuthi imiphefumulo yabo ibaselwe ngesibusiso Sakhe langBukhona Bakhe, ukuthi bangathumba isango lesitha sonke. [Indawo engelalutho ethephini—Mhl.] Ubenze balindela *lokhu, lokho*, kumbe *okunye*, kumbe ukuthintwa okungcwele, kumbe enye into, kodwa ngithi uzalahlekewa yikubabamba kwakho.

²⁶⁵ Ungama kanjani umkhuhlane kugcobo olunjengalolu? Kuphela lapho besala ukukhangela ngaphetsheya esithembisweni njengo baba uAbrahama akwenzayo, lapho ayeMbona ngesimo iminyaka engamakhulu khatshana, esiza.

²⁶⁶ Bakhulule. EBizweni likaJesu Khristu, tshiya abantu bahambe.

²⁶⁷ Makuthi amandla kaNkulunkulu, ukuzwisisa iLizwi, lapho begezwa lokhu kusa Ngalo, makuthi ukuzwisisa ukugcina iLizwi likaNkulunkulu lezithembiso Zakhe kweqiniso, ukubamba okungeke kwephulwe nguSathane. Makuthi munye ngamunye abambe leso sithembiso, esithi, "Lokhu Yikho. Ngibambelele Kukho. UNkulunkulu wenza isithembiso. Ngiyinzalo kaAbrahama. Ngingathandabuza kanjani isithembiso Sakhe?" Futhi uqhubeke usiya, ngoJesu Khristu, iNkosi yethu. Ameni.

NgiyaMthanda . . .

²⁶⁸ Bekuquma lokhu kusa, bangane. Asikhonzeni manje kamnandi.

Ngoba Wangithanda kuqala
Futhi wabhadalela usindiso lwami
Esihlahleni seKhalvari.

²⁶⁹ Kungenzeka, hatshi ukungahloniphi, ngeqiniso hatshi . . . Lokhu ku—kungokwenkolo. Asiphakamiseni izandla zethu Kuye esimthandayo. Futhi sithi:

NgiyaMthanda, NgiyaMthanda
Ngoba Wangithanda kuqala
Futhi wabhadalela usindiso lwami
Esihlahleni seKhalvari.

²⁷⁰ Manje, kuwo wonke umfazi kumbe inkazana phakathi lapha, lesi yisandla sami. UNkulunkulu uyakuthanda. Kuyo yonke indoda kumbe umfana phakathi lapha, uNkulunkulu uyakuthanda. Ngiyalithanda. Manje, angeke ngifinyelele futhi ngithathe sinye lasinye sezandla zenu, kodwa uNkulunkulu atshengisele kini lokho engikutshoyo. Lapho sihlabela lokho njalo, tshibilika nje futhi uxhawulane izandla lomunye. "Lokhu bonke abantu bazakwazi ukuthi lingabafundi Bami, lapho lilothando, omunye komunye."

Ngi . . .
. . . wabhadalela usindiso lwami
Esihlahleni seKhalvari.
NgiyaMthanda, NgiyaMthanda
Ngoba Wangithanda kuqala
Futhi wabhadalela usindiso lwami
Esihlahleni seKhalvari.

²⁷¹ AliMthandi na? Lowo muzwa omnandi kaMoya oNgcwele! ILizwi luhlelo oluhlanzayo, liyakukhuhla, likwenze isidalwa esitsha, lisusela konke khatshana. ILizwi libukhali kulenkemba

esika nxa zombili, likusoka, liqumela khatshana izinto zonke zomhlaba. Bona? Khona-ke sizwa sihlanzekile, sikhuhliwe, sisamukela futhi simKholwa. Yiyo indlela esingahlabela ngayo:

NgiyaMthanda, NgiyaMthanda
Ngoba Wangithanda kuqala
Futhi wabhadalela usindiso lwami
EKhalvari.

²⁷² Lokho kuhle? Ngiyakuthanda nje ngenhliziyo yami yonke. Bona? Kasiyizameni njalo, wonke umuntu manje, ngokuqotho, ngelizwi lakho lonke manje.

NgiyaMthanda, NgiyaMthanda
Ngoba Wangithanda kuqala
Futhi wabhadalela usindiso lwami
KweseKhalvari . . .



LENZALO YAKHO IZATHUMBA ISANGO LESITHA SAYO NDE62-0121M
(And Thy Seed Shall Possess The Gate Of His Enemy)

LuMbiko ngo Mfowethu William Marrion Branham, watshunyayelwa okokuqala ngeSilungu ngeSonto ekuseni, Zibandlela 21, 1962, eFaith Thabhanekeli ePhoenix, Arizona, U.S.A., wathathwa kusuka kuthephu warekhodwa lokudindwa ngeSilungu kungela kuphungulwa. Ukuchasisa lokhu ngesiNdebele seNyakatho kwadindwa lokwabelwa ngabe Voice of God Recordings.

NDEBELE

©2023 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Isaziso ngelungelo lokwenza

Amalungelo wonke agodliwe. Leli ibhuku lingadindwa ngomtshina wokudinda owangekhaya ngokuzisebenzisela, kumbe ukwabela, kungela mbadal, njengesikhali sokusabalalisa iVangeli lika Jesu Khristu. Leli ibhuku alingeke lathengiswa, kumbe landiswe ngesimo esikhulu, lisakazwe kuwebhusayithi, ligcinwe endaweni lapho elingaphinda litholakale, lichasiswe ngezinye izilimi, kumbe lisetshenziswe ekucele ni izimali kungela mvumo elotshiweyo ngabe Voice Of God Recordings®.

Ukuze uthole ulwazi olunengi kumbe ezinye izinto ezikhona ezelusizo, siyacela thinthaba:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**